

DS
735
A2Y86
1771a
V. 19

University of Toronto

Library

C400/62

ASIAN COLLECTION

御批歷代通鑑輯覽卷之三十七

南北朝

戊宋元嘉五年。魏神䴥元年。西秦王乞伏暮末。永春。二月。辰弘元年。北凉承元元年。夏主赫連定勝光元年。魏人及夏戰于上邽。執其主昌以歸。夏赫連定稱帝于平凉。魏人追之。敗績。夏復取長安。

魏將軍尉眷攻上邽。夏主退屯平凉。奚斤進軍安定。與邱堆。娥清。軍合。斤以馬疲糧少。深壘自固。監軍侍御史安頡同之子。曰。赫連昌。狷而無謀。好勇而輕。每自出挑戰。

衆皆識之。若伏兵掩擊。昌可禽也。斤猶難之。頡乃陰與尉眷等謀。選騎待之。旣而夏主來攻城。頡出應之。夏主自出搏戰。軍士爭赴之。夏主敗走。頡追禽之。昌至平城。魏主以妹

奚斤始則堅驪自固不從
安韶之謀及赫連昌成擒
乃以功出偏裨爲耻冒昧
追敵其進也由於妬功其
被擒也仍由於無能庸懦
好忌者流深可恨亦可哀

妻之。賜爵會稽公。夏平原王定收其餘衆奔還平涼。卽
後昌以謀叛見殺。位改元。奚斤自以爲元帥。而昌爲偏裨所禽。深恥之。乃
捨輜重。齎三日糧。追夏主定于平涼。夏軍將遁。會魏軍
食少無水。夏主定乃分兵夾擊之。魏兵大潰。斤爲所禽。
夏人復取長安。

夏五月。秦王乞伏熾磐卒。世子暮末立。

六月。宋以王弘爲衛將軍。開府儀同三司。

光祿大夫范泰說弘曰。天下事重。權要難居。卿兄弟盛
滿。當存降挹。弘納其言。遜位不許。固請。故有是命。

冬十一月乙未朔。日食。

己宋元嘉六年。春正月。宋以彭城王義康爲司徒。錄尚書
已魏神龜二年。

事江夏王義恭都督荆湘等州軍事

王弘乞解州錄以授義康宋主不許而以義康為司徒

錄尚書事領南徐州

晉南渡後僑置徐州于京宋改曰南徐至隋始省

刺史與

弘共輔朝政

弘既多疾且欲遠權由是義康專總內外之務

以義恭為荊州刺

史督八州劉湛為南蠻校尉行府州事

宋主與義恭書曰天下艱難家

國事重雖曰守成實亦非易汝性褊急宜念裁抑司徒當周公之事汝不可不盡祇順之理天下安危決汝二人耳汝一月自用錢不可過三十萬府舍不須收作訊獄虛懷博盡毋以喜怒加人各器深宜愛惜爵賜尤應裁量聲樂遊嬉不宜令過蒲酒漁獵一切勿為供用奉身皆有節度奇服異器不宜興長又宜數引見佐史相見不數則彼我不親無因得盡人情復何由知眾事也

三月宋立子劭為太子

夏四月魏主伐柔然

魏主將擊柔然。羣臣皆不欲行。獨崔浩勸之。

尚書令劉潔等共推

太史令張淵徐辯使言于魏主曰。今茲己巳。三陰之歲。歲星襲月。太白在西方。不可舉兵。北伐必敗。雖克不利。于上。浩曰。陽爲德。陰爲刑。故日食修德。月食修刑。比年以來。月行掩昂。其占三年天子大破旄頭之國。蠕蠕高車。旄頭之衆也。願陛下勿疑淵辯曰。蠕蠕荒外無用之物。得其地不可耕而食。得其民不可臣而使。有何汲汲而勞士馬以伐之。浩曰。淵辯言天道猶是其職。至于人事尤非其所知。此乃漢世常談。施之于今殊不合事宜。蠕蠕本國家邊臣。中間叛去。今誅其元惡。收其良民。令復舊役。非無用也。淵辯等不能對。魏主大悅。公卿或尤浩曰。南寇伺隙而捨之。北伐若後有疆寇。將何以待之。浩曰。不然。南北殊俗。水陸異宜。以劉裕之雄傑。吞併關中。留其愛子。輔以良將。精兵數萬。猶不能守。况義隆今日君臣。非裕時比。主上英武。士馬精彊。彼若果來。如以駒犢鬪虎狼。何懼之有。蠕蠕恃其絕遠。謂國家力不能制。夏則撤衆放畜。秋肥乃聚。背寒向溫。南來寇抄。今掩其不備。必望塵駭散。可一舉而禽也。暫勞永逸。時不可失。寇謙之謂浩曰。蠕蠕果可克乎。浩曰。必克。但恐諸將瑣瑣前後顧慮。不能乘勝深入。使不全舉耳。三陰已爲干之陰。己巳爲支之陰。己巳令爲干支皆陰。是爲三陰。

之歲。旄頭昂七星。先是宋主因魏使還。告魏主曰。汝趣

歸我河南地。不然。將盡我將士之力。魏主聞之大笑。謂

公卿曰。龜鼈小豎。夫何能為。就使能來。若不先滅蠕蠕。

乃是坐待寇至。腹背受攻。非良策也。吾行決矣。遂發平

城。至栗水。胡三省注。在漠北。近稽落山。有竇憲故壘在焉。柔然紇升蓋可汗先

不設備。遂燒廬舍。絕迹西走。部落四散。魏主分軍搜討。

俘獲其眾。至涿邪山。諸將慮有伏兵。寇謙之以崔浩之

言告魏主。不從。引兵還。魏主得蠕蠕降人言。可汗被病。以車自載入南山。民畜窘聚。無

人統領。相去百八十里。追兵不至。乃徐西遁。若復前行二日。則盡滅之矣。魏主深悔之。紇升蓋可

汗憤悒而死。子吳提立。號敕連可汗。

五月壬辰朔。日食。

武都王楊元卒。弟難當廢其子保宗而自立。

冬十月。魏以崔浩爲撫軍大將軍。

魏主加浩侍中。特進撫軍大將軍。以賞其謀畫之功。

浩善

占天文。嘗置銅鋌于酢器中。夜有所見。卽以鋌畫紙作字記之。魏主每如浩家。問以災異。或倉猝不及束帶。奉進疏食。魏主必爲之舉筯。或立嘗而還。嘗謂浩曰。卿才智淵博。著忠三世。故朕引以自近。卿宜盡忠規諫。勿有所隱。朕雖或時忿恚。不從卿言。然終久深思。卿言也。嘗指浩以示高車渠帥曰。此人庭纖懦弱。不能彎弓持矛。然其胸中所懷。乃過于兵甲。朕之前後有功。皆此人所教也。又敕尙書曰。軍國大計。汝曹所不能決者。皆當咨浩。然後施行。

十一月己丑朔。日食。星晝見。十二月。秦地震。

日食不盡如鉤。星晝見至晡。河北地闇。十二月。秦地震。野草皆白反。

庚宗元嘉七年。春三月。宋遣將軍到彥之等伐魏。

宋主有恢復河南之志。詔簡甲卒五萬。給右將軍到彥

之。統將軍王仲德、靈秀、舟師入河。又使將軍段宏將

精騎直指虎牢。劉德武將兵繼進。長沙王義欣

道憐之子。監

征討諸軍事。出鎮彭城。為眾軍聲援。先遣將軍田奇告

魏主曰。河南舊是宋土。中為彼所侵。今當修復舊境。不

關河北。魏主大怒曰。我生髮未燥。已聞河南是我地。必

若進軍。當權斂戍相避。冬寒冰合。自更取之。

秋七月。魏河南諸軍退屯河北。宋到彥之等取河南。

魏南邊諸將表稱宋將入寇。請兵三萬。先其未發。逆擊

之。以挫其銳。因請悉誅河北流民在境上者。以絕其鄉

魏南邊守將請逆擊宋人。雖未必盡由私利起見。然其謀畫則不及崔浩遠矣。至欲悉誅境上流民。尤為乖謬。河北皆魏地。流民皆

魏民安有防人侵掠自是
戕賊無辜乎

導。魏主使公卿議之。皆以爲然。獨崔浩以爲不可。浩曰。南方

卑濕。入夏水潦。草木蒙密。地氣鬱蒸。易生疾厲。不可行師。且彼既嚴備。城守必固。留屯久攻。則糧運不繼。分軍四掠。則衆力單寡。以今擊之。未見其利。彼若果能北來。宜待其勞倦。秋涼馬肥。因敵取食。徐往擊之。此萬全之策也。西北守將。從陛下征伐。多獲美女珍寶。南邊諸將。聞而慕之。亦欲南鈔。以取資財。爲國生事。不可從也。

魏主乃止。諸將復表乞簡幽州以南勁兵。助已戍守。及就漳水造船。公卿皆以爲宜如所請。仍署司馬楚之。魯

軌。韓延之等爲將帥。使招誘南人。浩又固諫。曰。楚之等

忌。今聞國家悉發精兵。大造舟艦。謂國家欲存立。司馬氏誅除劉宗。必舉國震駭。悉發精銳。以死爭之。則我南邊諸將。無以禦之。欲以卻敵。而反速之矣。且楚之等。皆纖利小才。止能招合輕薄無賴。而不能成大功。徒使國家兵連禍結而已。魏主未以爲然。浩乃復陳天時。以爲南方舉

兵必不利。曰。今茲害氣在揚州。一也。庚午自刑。先發者傷。二也。日食晝晦。宿值斗牛。三也。災惑伏于

翼軫主亂及喪四也。太白未出。進兵者敗五也。夫興國之君。先修人事。次盡地利。後觀天時。故萬舉萬全。今劉義隆新造之國。人事未洽。災變屢見。天時不協。舟行水涸。地利不盡。三者無一可。而義隆行之。必敗無疑。揚州子辰在丑。而是歲在午。丑為金庫。午為火旺。以火害金。故云害氣。庚金午火。歲在庚午。以火尅金。故曰自刑。魏主不能違眾。乃詔造船三千艘。簡幽州以南戍兵集河上。以司馬楚之為安南大將軍。封琅邪王。屯潁川。到彥之自淮入泗。泗水滲。所禁反。說文曰。水下漉為滲。日行纔十里。七月。始至須昌。漢縣。明省。故城在今山東泰安府東平州。乃沂河西上。魏主以河南四鎮兵少。命悉眾北渡。彥之留朱修之。字恭祖。義陽平氏人。守滑臺。尹冲守虎牢。杜驥。字度世。豫之元孫。守金墉。諸軍進屯靈昌津。水經注。河水又東北。通謂之延津。石勒襲劉曜于此。以河水汴為神靈之助。因號靈昌津。列守南岸。至于潼關。于是司寇既平。諸軍皆喜。王仲德獨

有憂色曰。諸賢不諳北土情偽。必墮其計。彼雖仁義不足。而凶狡有餘。今斂戢北歸。必并力完聚。若河水既合。將復南來。豈可不以為憂乎。

九月。燕王馮跋卒。弟弘

字文通。跋之少弟。

殺其太子翼而自立。

魏主如統萬。

夏主遣使求和于宋。約合兵滅魏。遙分河北。自恒山以東屬宋。以西屬夏。魏主聞之。治兵將伐夏。羣臣咸曰。劉義隆兵猶在河中。捨之西行。前寇未可必克。而義隆乘

虛濟河。則失山東矣。魏主以崔浩言。

浩曰。義隆與赫連定。遙相招引。以虛

聲唱和。莫敢先入。譬如連雞。不得俱飛。無能為害。臣始謂義隆軍來。當屯止河中。兩道北上。東道向冀。西道衝鄴。如此則陛下當自討之。不得徐行。今則不然。東西列兵。徑二千里。一處不過數千。形分勢弱。此不過欲固河

自守。無北度意也。赫連定殘根易摧。擬之必仆。克定之後。東出潼關。席卷而前。則威震南極。江淮以北。無立草矣。魏主遂如統萬。謀襲平涼。既而使將軍古弼諸姓吐從之。奚氏為古氏弼初等將兵趣安定。夏主自安定北救平涼。與戰。夏兵大敗。

西秦自正月不雨。至于九月。

冬十月。宋鑄四銖錢。

宋時錢制數更。是年始置四銖。文曰四銖。重如其文。至元嘉二十

四年。復鑄大錢。時民多剪鑿古錢。取銅盜鑄。江夏王義恭建議。請以大錢一當兩。以防穿鑿。宋

主從明年罷之。當兩大錢。行之經時。後孝建元年。更鑄之。

孝建四銖。文曰孝建。形式薄小。輪廓不成。盜鑄者衆。雜以鉛錫。吏不能禁。物價踊貴。民患苦之。于是

沈慶之建議。聽民鑄錢。郡縣置署。平其準式。去其雜偽。萬稅三千。嚴檢盜鑄。丹陽尹顏竣駁之。乃止。沈慶之。

四銖輕薄。民得因緣為奸。正坐變更成法之弊。乃患盜鑄。眾轉請聽民鑄錢。何異揚湯止沸耶。甚至斷新。

錢用古錢則更因噎廢食
矣晉宋以降元嘉之政所
謂彼善於此耳然錢法敗
壞若此亦奚足稱

字弘先吳興武康人顏景和二年即泰始元年又鑄二銖錢
竣字士遜延之之子文曰景和形式轉細民間效之而更薄小無輪廓不磨鑄謂之末子尤輕薄者謂之苻葉聽民私鑄沈慶之復啟聽民私鑄錢由是錢貨亂敗千錢長不盈三寸謂之鷲眼錢劣于此者謂之緹環錢入水不沈隨手破碎斗米一萬商貨不行已罷二銖惟禁鷲眼緹環餘皆通用禁民鑄泰始二年乃普斷新錢專用古錢蓋三十七年之間錢幣凡七變云

十一月宋遣將軍檀道濟伐魏到彥之棄軍走

先是宋到彥之保東平魏攻宋金墉虎牢取之至是宋加檀道濟都督征討諸軍事帥眾伐魏魏叔孫建長孫道生濟河而南到彥之聞洛陽虎牢不守欲引兵還將軍垣護之字彥宗畧陽垣道人以書諫之以為宜使竺靈秀助朱修之守滑臺帥大軍進

擬河北。且曰。昔人有連年攻戰。失衆乏糧。猶張膽爭前。莫肯輕退。况今青州豐穰。濟漕流通。士馬飽逸。威力無損。若空棄滑臺。坐喪成業。豈朝廷委任之意耶。彥之不從。欲焚舟步走。王仲德

曰。洛陽既陷。虎牢不守。自然之勢也。虜去我猶千里。滑

臺尚有彊兵。若遽捨舟南走。士卒必散。彥之乃引兵自

清河注見前入濟南。至歷城。漢縣。今為山東濟南府治。焚舟棄甲。步趨

彭城。時青兗大擾。長沙王義欣在彭城。將佐皆勸委鎮還都。義欣不從。魏攻濟南。太守蕭承之帥數百人

拒之。魏衆大集。承之使偃兵開門。衆曰。賊衆我寡。奈何輕之。承之曰。今懸守窮城。事已危急。若復示弱。必為所

屠。唯當見彊以待之。爾。魏人疑有伏兵。遂引去。既而到彥之。王仲德皆下獄免官。宋主見垣護之書而善之。以

為北高平太守。蕭承之字嗣伯。南蘭陵人。齊高帝之父也。北高平郡治湖陸。注見前。宋有南高平。僑郡。故此

北云。

十二月。宋以長沙王義欣為豫州刺史。

壽陽土荒民散盜賊公行義欣隨宜經理境內安業城

府完實遂為盛藩

芍陂久廢義欣修治隄防引淝水入陂溉田萬餘頃無復災旱淝水即

淝水源出霍山縣逕壽州西北流入淮

辛宋元嘉八年魏神麋四年燕王馮弘太興元未年北凉義和元年是歲秦夏皆亡凡四國春正月夏

滅秦以秦王暮末歸殺之

夏主擊秦將姚獻敗之遂遣其叔父韋伐攻南安城中

大饑秦出連輔政

代北複姓有出連氏輔政其名也

等奔夏秦王暮末

窮蹙輿櫬出降夏主竟殺之夷其族

西秦自乞伏國仁據苑川至暮末亡

凡四主合四十七年

二月魏克滑臺宋檀道濟引兵還

先是魏攻宋滑臺檀道濟自清水往救敗魏師于壽張

窮蹙出降乞延殘喘於理當憐而宥之赫連定乃竟殲害無噍類殘忍極矣未半年而定亦殄滅足為暴戾者戒

本漢壽良。後漢更名。故城在泰安府東平州。明初始移置今治。屬兗州府。

道濟復自濟上至歷城。

二十餘日間。道濟與魏軍三十餘戰。皆捷。

叔孫建縱輕騎邀其前後。焚

燒穀草。道濟軍乏食。不能進。由是安頡司馬楚之等得

專力攻滑臺。魏主復使將軍王慧龍

太原晉陽人。

助之。遂克

滑臺。

朱修之堅守數月。糧盡。與士卒熏鼠食之。魏執修之。嘉其守節。以爲侍中。

道濟等食盡。

自歷城還。士有亡走魏者。具告之。魏人追之。衆怕懼將

潰。道濟夜唱籌量沙。以所餘少米覆其上。及旦。魏軍見

之。謂資糧有餘。以降者爲妄而斬之。時道濟兵少。魏兵

甚盛。道濟命軍士皆被甲。已白服乘輿。引兵徐出。魏人

疑有伏兵。不敢逼。稍稍引退。道濟全軍而返。

魏以王慧龍爲滎陽太守。

魏司馬楚之以爲諸方已平。請大舉伐宋。魏主以兵久

勞。不許。徵楚之爲散騎常侍。以慧龍爲滎陽太守。

慧龍在郡

十年。農戰並修。大著聲績。歸附者萬餘家。宋主縱反。間于魏云。慧龍自以功高位下。欲引宋人入寇。因執司馬楚之以叛。魏主聞之。賜慧龍璽書曰。劉義隆畏將軍如虎。欲相中害。朕自知之。不足介意。宋主復遣刺客呂元伯刺之。元伯詐爲降人。求屏人語。慧龍疑之。使探其懷。得尺刀。元伯叩頭請死。慧龍曰。各爲其主耳。遂釋之。後慧龍卒。元伯守其墓。終身不去。

夏六月。夏主定擊涼。吐谷渾襲敗之。執定以歸。

先是。夏主與魏人戰。敗走上邽。魏取安定。隴西。旣而魏克平涼。復取長安。至是。夏主畏魏人之偏。擁秦民十萬餘口。自治城濟河。欲擊北涼王蒙遜而奪其地。吐谷渾王慕瓚遣騎三萬。乘其半濟。邀擊之。執夏主定以歸。旣

而送定于魏。魏主殺之。赫連夏自勃勃僭號至定亡。凡三主合二十六年。

閏月，魏遣使如宋求昏。

魏主遣周紹聘于宋，且求昏。宋主依違答之。

宋以劉湛為太子詹事給事中。

荊州刺史江夏王義恭年浸長，欲專政事。長史劉湛每裁抑之，遂有隙。帝心重湛，使人詰讓義恭，且和解之。是

時王華、王曇首皆已卒，領軍殷景仁素與湛善，白徵湛

為太子詹事，加給事中，共參政事。而以張劭代湛。後劭坐賊

當死。將軍謝述上表陳劭先朝舊勳，宜蒙優貸。帝手詔酌納，免劭官，削爵土。述謂其子綜曰：「主上矜劭夙誠，特加曲恕，吾所言謬會，故特見酌納耳。若此迹宣布，則為侵奪主恩，不可之大者也。」使綜對前焚其表。謝述字

景先，景仁之弟。

謝述乞貸劭死，既見酬納，恐侵奪主恩，亟焚其表，可謂得人臣事君之義。所惜猶告其子耳。然較之明季抗疏論掾陳說紛紜，惟恐

世人不知事由已出者奚
管膏壤

秋九月。魏以崔浩為司徒。長孫道生為司空。

道生性清儉。一熊皮障泥。數十年不易。魏主使歌工歷
頌羣臣曰。智如崔浩。廉若道生。

魏徵世胄遺逸。

詔曰。今二寇摧殄。將偃武修文。理廢職。舉逸民。范陽盧

元。

字子真。涿人。

博陵崔綽。

安平人。

趙郡李靈。

字武符。平棘人。

河間邢穎。

字宗敬。鄭人。

渤海高允。

字伯恭。蓀人。

廣平游雅。

字伯度。任人。

太原張偉。

字仲業。中都人。

等皆賢儁之胄。冠冕州邦。如此比者。盡敕州郡

以禮發遣。遂徵元等數百人。差次敘用。

崔綽以母老固辭。元等皆拜中

書博士。元舅崔浩每與元言輒歎曰。對子真使我懷古
之情愈深。浩欲大整流品。明辨姓族。元止之曰。夫創制
立事。各有其時。樂為此者。詎有幾人。
宜加三思。浩不從。由是得罪于衆。

冬十月。魏使崔浩定律令。

魏主命崔浩更定律令。除五歲四歲刑。增一年刑。巫蠱者。負羖羊。抱犬沉諸淵。初令官階九品者。得以官爵除刑。婦人當刑而孕。產後百日乃決。闕左懸登聞鼓。以達

冤人。

胡三省曰。令負冤者得詣闕搥鼓。登時上聞也。

壬申。宋元嘉九年。夏五月。宋太保王弘卒。

弘明敏有思致。而輕率褊隘。好折辱人。雖貴顯。不營財利。及卒。家無餘業。宋主特賜錢百萬。米千斛。

秋七月。宋益州人趙廣作亂。

宋益州刺史劉道濟。

粹之弟。

信任長史費謙。別駕張熙。聚

斂興利。商賈嗟怨。流民許穆之。變姓名。稱司馬飛龍。自

云晉室近親招合蜀人千餘攻殺巴興晉縣隋改長江元省故城在潼

川府蓬令逐陰平宋有南陰平北陰平此南陰平也故城在四川綿州德陽縣太守

道濟遣軍斬之先是道濟欲以帛氏奴孫恂曰梁顯為帛姓也

督護費謙固執不與氏奴等與鄉人趙廣搆扇縣人詐

言司馬殿下猶在陽泉蜀漢縣隋省故城在德陽縣山中聚眾向廣

漢攻陷涪城于是涪陵晉郡今四川重慶府涪州是江陽漢縣晉為郡今四川

瀘州漢縣晉置郡今仍為縣屬潼川府逐寧漢縣晉置郡今仍為縣屬潼川府諸郡守皆棄城走廣等進

攻成都道濟嬰城自守廣乃詣陽泉寺迎道人枹罕程

道養言是飛龍推為蜀王建號太始備置百官以道養弟道助為

長沙王廣及梁顯等皆為將軍眾十餘萬四面圍城道

濟遣參軍裴方明等出擊先敗還已頻破之明年賊復攻逼成都

時道濟已卒。方明匿不發喪。以兵擊賊。大破之。賊退屯廣漢。分守郾城。荊州刺史臨川王義慶遣巴東太守周

藉之以兵來救。方明與藉之合攻郾。克之。斬程道助。進擊廣漢。賊衆奔潰。涪蜀皆平。

癸宋元嘉十年。魏延和二年。北夏四月。涼王蒙遜卒。子牧

犍立。

蒙遜病甚。國人以世子菩提幼弱。而其兄牧犍聰穎好

學。立以爲世子。蒙遜卒。牧犍卽位。遣使請命于魏。魏主

遣太常李順拜牧犍爲河西王。初。魏主遣李順至涼。涼王蒙遜箕坐隱几。無動

起之狀。順正色大言責之。蒙遜乃拜受詔。及使還。魏主問以涼事。順曰。蒙遜無禮不敬。不復年矣。魏主曰。易世

之後。何時當滅。順曰。蒙遜諸子皆庸才。惟牧犍器性粗立。繼蒙遜者。必此人也。然比之于父。皆云不及。此殆天

之所以資聖明也。魏主曰。朕方有事東方。未暇西畧。如卿所言。不過數年之外。不爲晚也。及是。牧犍使至。魏主

謂順曰。卿言蒙遜死。牧犍立。皆驗。朕克涼州。亦不遠矣。乃進順號安西將軍。寵待彌厚。

冬十二月。宋謝靈運有罪誅。

靈運好爲山澤之遊。窮幽極險。從者數百人。伐木開徑。

百姓驚擾。以爲山賊。會稽太守孟顗

字彥重。和之弟。

表其有異

志。靈運詣闕自陳。宋主以爲臨川內史。靈運遊放自若。

爲有司所糾。遣使收之。靈運執使者。與兵逃逸。作詩曰。

韓亡子房奮。秦帝魯連恥。追討擒之。廷尉論正斬刑。宋

主愛其才。降死徙廣州。久之。或告靈運令人買兵器。結

健兒。欲于三江口

在廣州府番禺縣東南。鬱水爲西江。浪水爲東江。湞水爲北江。西北二江。

合流而東。與東江。篡取之。不果。詔于廣州棄市。

靈運恃才放逸。

自以名輩。才能應參時政。同時名位。素出其下。

者。並見任遇。意甚不平。又多所陵忽。故及于禍。

南蘭陵人。

甲宋元嘉十一年。戊魏延和三年。

春。宋梁秦刺史蕭思話

討楊難當。

靈運直是作友。乃以詩文過果有其志。則不應爲宋官。史以恃才陵物爲其及禍之由。是猶曲爲遷就。不正義哉。

破之。

先是宋主聞梁秦刺史甄法護

中山無極人。

刑政不治乃自

徙中起蕭思話

思話先為青州刺史。魏克滑臺。思話棄城走。坐繫尚方徒作。今復徵起。

使

代之未至楊難當舉兵襲法護法護棄城奔洋川

即洋水在

漢中府西鄉縣東水經注洋水導源巴山東北流逕平陽城為洋川難當遂有漢中之地

至是思話至襄陽遣司馬蕭承之為前驅難當焚掠漢

中引眾西還留軍分守思話與承之共擊屢破之既而

難當遣其子和將兵擊蕭承之為承之所敗

承之與和相拒四十

餘日短兵接弓矢無所復施氏悉衣犀甲戈矛不能入

承之斷稍長數尺大斧椎之一稍輒貫數人氏不能當

即白水江在

敗走承之追遂悉收漢中地置戍葭萌水

即白水江在四川保寧府

昭化縣西北水經注白水出西傾山

東南流至葭萌縣亦謂之葭萌水

思話徙鎮南鄭難

斧椎斷稍輒貫數人氏豈肯聚立以待乃前誇犀甲之堅後侈斧椎之利遂不自知其言之鑿柄著書家

惡道不堪一噓

後漢書卷之三十七

三十七

當奉表謝罪。詔赦之。

甄法護坐賜死。

燕王弘稱藩于魏。

先是魏主攻燕。圍和龍。燕尚書郭淵勸燕主送款獻女于魏。乞為附庸。燕主曰。負釁在前。結忿已深。降附取死。不如守志更圖也。已而魏主拔燕旁郡。引兵西還。至是燕王遣使奉表謝罪于魏。以季女充掖庭。魏主許之。徵其太子王仁入朝。燕主送魏使者于什門。還平城。什門被留事具前。什門在燕二十一年。不屈節。魏主下詔褒稱。以比蘇武。拜治書御史。策告宗廟。頒示天下。

乙宋元嘉十二年。

春正月己未朔日食。

燕王弘稱藩于宋。

初魏主之圍和龍也宿衛之士多在戰陳行宮人少雲

中鎮將朱修之本宋將被執事具前謀與南人襲殺魏主因入和

龍浮海南歸以告將軍毛修之亦宋將降魏事具前不從乃止既

而事泄朱修之逃奔燕由是魏人數伐燕燕主遣修之

南歸求救修之汎海還建康拜黃門侍郎及是燕日危燕主

不遣太子質魏魏頻伐之遣使至宋奉貢稱藩宋封為燕王江南謂

之黃龍國

涼有神投書于敦煌東門

有老父投書于敦煌東門求之不獲書曰涼王三十年

若七年涼王收犍以問奉常張愼對曰昔號之將亡神

降于莘願陛下崇德修政以享三十年之祚若盤于遊

田荒于酒色。臣恐七年將有大變。牧犍不悅。

夏四月。宋以殷景仁爲中書令中護軍。

宋領軍將軍劉湛。與僕射殷景仁素善。湛之入也。景仁

實引之。見上年。湛以景仁位遇素不踰已。而一旦居前。意

甚憤憤。又以景仁專管內任。謂其間已。猜隙漸生。時司

徒義康專秉朝權。湛嘗爲其上佐。遂委心自結。欲因其

力以傾景仁。至是。宋主加景仁中書令中護軍。湛愈憤

怒。使義康毀景仁。而宋主遇之益隆。景仁對親舊歎曰。

引之令入。入便噬人。乃稱疾解職。不許。湛又陰謀遣人殺景仁。宋主微

聞之。遷護軍府于西掖門外。使近宮禁。故湛謀不行。義康僚屬及諸附湛者。潛相約勒。無敢歷殷氏之門。唯後

將軍司馬庾炳之遊二人之間。皆得其歡心。而密輸忠于朝廷。景仁固家不朝謁。宋主常使炳之銜命往來。湛

劉湛始因景仁而進。既乃猜嫌忌嫉。反噬相加。阿附權藩。藉勢傾害。實小人姦險之尤者。宋主既聞其謀。乃不卽爲窮迫而隱忍。以釀禍何哉。

不疑也。庾炳之。字仲文。鄆陵人。

六月。宋大水。設酒禁。

揚州諸郡大水。運徐豫南充穀賑之。揚州西曹主簿沈

亮。字道明。田子之。以爲酒糜穀而不能療饑。請權禁止。從之。

秋七月。宋禁擅鑄像造寺者。

丹陽尹蕭摹之。南蘭陵人。思話再從父。上言。佛入中國。已歷四代。

形像塔寺。所在千數。材竹銅綵。糜損無極。請自今欲鑄

銅像。及造塔寺者。皆當列言。須報乃得爲之。詔從之。

丙宋元嘉十三年。魏太延二年。是歲燕亡。凡三國。春三月。宋殺其司空檀道濟。

道濟立功前朝。威名甚重。左右腹心。並經百戰。諸子又
有才氣。朝廷畏疑之。宋主久疾不愈。劉湛說司徒義康。

以爲宮車一日晏駕。道濟不復可制。會宋主疾篤。義康

請召道濟入朝。

其妻向氏謂道濟曰。高世之勲。自既至。古所忌。今無事相召。禍其至矣。

留累月。宋主稍間。將還。未發。會宋主疾動。義康稱詔。召

道濟入祖道。因執之。三月。下詔稱道濟因朕寢疾。規肆

禍心。收付廷尉。并其子植等十一人。誅之。又殺其參軍

薛彤。高進之。二人皆道濟腹心。有勇力。時人比之關張。

道濟見收。憤怒。目光如炬。脫幘投地。曰。乃壞汝萬里長

城。魏人聞之喜。曰。道濟死。吳子輩不足復憚。

夏。魏伐燕。燕王弘奔高麗。

卽高句麗。

魏伐燕。娥清古弼攻白狼城。

白狼。漢縣。以白狼山名。故城在今熱河入溝境。克

之。先是。燕太常楊嘏勸燕主速遣太子質魏。燕主不從。

密遣尙書陽伊請迎于高麗。及是高麗遣將以數萬衆

至和龍。燕主焚宮室。帥龍城見戶東徙。古弼部將高苟子。帥騎欲追之。

弼醉。拔刀止之。故燕主得逃去。魏主聞之。怒檻車徵弼。及娥清至平城。皆黜爲門卒。高麗處燕主

于北豐。高麗地名。居二年。燕主復遣使求迎于宋。高麗人殺

之。北燕自馮跋篡立。及亡。凡二主。合二十八年。

秋七月。魏伐楊難當于上邽。降之。

先是。赫連定西遷。難當遂據上邽。自稱大秦王。改元建

義。立王后太子。置百官。皆如天子之制。然猶貢奉宋魏

不絕。至是。魏伐之。先遣使齎詔諭旨。難當懼。遂奉詔降。

冬。宋鑄渾儀。

初。高祖克長安。得古銅渾儀。儀狀雖舉。不綴七曜。是歲。

詔太史令錢樂之更鑄渾儀徑六尺八分以水轉之昏明中星與天相應。

丁宋元嘉十四年夏五月魏詔吏民告守令罪。

魏主以民官多貪詔吏民得舉告守令不如法者于是姦猾專求牧宰之失迫脅在位橫于閭里而長吏咸降心待之貪縱如故。

西域朝貢于魏。

先是西域龜茲疏勒烏孫皆漢時舊國悅般在烏孫西

萬九百三十里其先本北匈奴部落為竇憲所破北

單于西走康居其不能去者居龜茲之北為悅般國渴

槃陀在葱嶺東其國有鄯善焉耆車師注亦俱粟特名

溫那沙在葱嶺之西康居西北九國入貢于魏魏主以

古奄蔡國也去代一萬六千里

西域去中國絕遠。報使往來。徒爲勞費。終無所益。欲不

遣使。有司固請。乃遣行人王恩生等二十輩。使西域。皆

爲蠕蠕所執。

恩生見敕連可汗。持魏節不屈。魏主切責敕連。敕連乃遣恩生等還。

竟不能

達西域。至是。魏主復遣侍郎董琬等。招撫九國。琬等至

烏孫。其王甚喜。曰。破落那。

卽漢大宛國。去代萬四千四百五十里。

者舌破。

落那西北。故康居國也。去代一萬五千四百五十里。

二國皆欲稱臣奉貢。但無路

自致耳。今使君宜過撫之。乃遣導譯送琬等。旁國聞之。

爭遣使者隨琬等入貢。凡十六國。自是每歲朝貢不絕。

涼遣子入侍于魏。遣使如宋。

魏主遣李順徵涼世子封壇入侍。涼王牧犍奉詔。亦遣

使詣建康獻雜書。并求書數十種。宋主皆與之。

李順自河西還。

魏主問之曰卿往年言取涼州之策朕以東方有事未遑也今和龍已平吾欲西征可乎順對曰臣疇昔所高以今觀之私謂不謬然國家戎車屢動士馬疲勞西征之議請俟他年魏主乃止

戊宋元嘉十五年春二月宋以吐谷渾慕利延為隴西王

寅魏太延四年冬十一月丁卯朔日食

宋立四學以雷次宗

字仲倫豫章南昌人

為給事中不受

豫章雷次宗好學隱居廬山

在江西九江府德化縣按南康府星子縣界山周二

百五十里朱子以為即禹貢之敷淺原也

嘗徵為散騎侍郎不就是歲以處

士徵至建康為開館于雞籠山

今日雞鳴山在江寧府上元縣西北使聚

徒教授宋主雅好藝文使丹陽尹何尚之

字彥德廬江贊人立

元學太子率更令

東宮官主宮殿門戶職如衛尉

何承天立史學司徒

參軍謝元

靈運從祖弟

立文學并次宗儒學為四學宋主數

幸次宗學館。令次宗以巾巾。首服也。講單衣也。江南人士交際。以為公服。侍

講。資給甚厚。又除給事中。不就。久之。還廬山。宋土性仁厚恭儉。勤

于為政。守法而不峻。容物而不弛。百官皆久于其職。守

宰以六基為斷。吏不苟免。民有所繫。三十年間。四境之

內。晏安無事。戶口蕃息。出租供徭。止于歲賦。晨出暮歸。

自事而已。閭閻之內。講誦相聞。士敦操尚。鄉恥輕薄。江

左風俗。于斯為美。後之言政治者。皆稱元嘉焉。

已宋元嘉十六年。魏太延五武卯年。是歲涼亡。凡二國。

春二月。宋以衡陽王義季子少都督荆湘等州軍事。

初。高祖遺詔。令諸子次第居荊州。臨川王義慶在荊州

八年。欲為之選代。故以義季為荊州刺史。義季嘗春月

被苦而耕。左右斥之。老父曰。盤于遊畋。古人所戒。今陽

和布氣。一日不耕。民失其時。奈何。以從禽之樂。而驅斥

老農也。義季止馬曰。賢者也。命賜之食。辭曰。大王不奪

農時。則境內之民。皆飽大王之食。老夫何敢獨受大王

魏主遣醫救之得愈

之賜乎義季問其名不告而退

夏六月魏主伐涼秋九月涼王牧犍降

北涼王牧犍通于其嫂李氏李氏毒魏公主

魏主以其妹武威公

主妻牧犍魏主遣醫救之得愈魏主徵李氏牧犍不遣使居

酒泉魏主欲討之以問崔浩浩曰牧犍逆心已露不可

不誅魏主乃大集公卿議于西堂弘農王奚斤等皆以

為牧犍罪惡未彰宜加恕宥且聞其土地鹵瘠難得水

草若攻之不拔野無所掠此危道也

初崔浩惡李順順使涼州凡十二返

涼武宣王蒙遜數與順遊宴時為驕慢之語恐順泄之

隨以金帛納順懷中順亦為之隱浩知之密以白魏主

魏主未之信及是順與古弼皆曰姑臧地皆枯石絕無水草城南天梯山上積雪丈餘春夏消釋下流成川居民仰之溉灌彼聞軍至決此渠口水必乏絕人馬饑渴難以久留斤等議是浩曰史稱涼州之畜為天下饒若

李順向有蒙遜不敬之對
茲又稱受其賄為之隱更
家前後其虐若是奚足惡
哉至雪山消融成川人資
溉灌則至今尚然非盡欺
誣也

無水草。言以何蕃。又漢人終不于無水草之地築城郭。建郡縣也。且雪之消釋。何得通渠溉灌。此言大為欺誣矣。李順曰。耳聞不如目見。浩曰。汝受人金錢。欲為之遊說。謂我目不見。便可欺耶。魏主隱聽聞之。乃出見斤等。辭色嚴厲。羣臣不敢復言。唯唯而已。將軍伊馥代人言曰。涼州若果無水。

草。彼何以為國。宜從浩言。眾議皆不可用。魏主從之。六

月。發平城。使穆壽代人崇之孫輔太子晃監國。又使大將軍

嵇敬魏北方諸姓有紇氏。後改嵇氏。將二萬人屯漠南。以備蠕蠕。命

公卿為書讓牧犍。七月。至上郡屬國城。漢上郡屬國都尉治龜茲。故城

在今陝西榆林縣。部分諸軍。以源賀禿髮倚檀之子。為鄉導。八月。牧

犍求救于蠕蠕。魏主至姑臧。遣使喻牧犍出降。牧犍嬰

城固守。魏主分軍圍之。魏主見姑臧水草豐饒。由是恨李順謂崔浩曰。卿言驗矣。始太

子晃亦以西伐為疑。至是詔報之曰。姑臧東西門外。涌泉合于城北。其大如河。自餘溝渠流入澤中。其間乃無

燥地。持有此。九月。姑臧城潰。牧健帥其文武五千人。面

縛請降。魏主釋而禮之。魏主置酒姑臧。謂羣臣曰。崔公

弓馬之士。而所見乃與崔公同。此深可奇也。馥善射。能

曳牛却行。走及奔馬。而性忠謹。故魏主特愛之。北涼

自段業改元。沮渠蒙遜篡立。至

冬。十二月。宋太子劬冠。

劬美鬚眉。好讀書。便弓馬。喜延賓客。意之所欲。宋主必

從之。東宮置兵。與羽林等。

魏主還平城。

魏主猶以妹壻待沮渠牧健。拜征西大將軍。河西王如

故。後有告牧健與故臣民涼州自張氏以來。號為多士。

牧健尤喜文學。其臣闕駟。闕氏。齊闕止之後。以名。張湛

字子然。敦。劉昞。字延明。索敞。字巨振。陰興。字世隆。俱敦煌人。宗欽。字景

若趙柔。字元明。俱金城人。程駿。字麟駒。廣平曲安人。居涼州。程弘。駿從弟。魏主

皆禮而用之。初安定胡叟。字倫許。臨涇人。往從牧犍。牧犍不甚

重之。叟謂程弘曰。貴主居僻陋之國。而淫名僭禮。以小

事大。而心不純一。外慕仁義。而實無道德。其亡可翹足

而待也。遂適魏。至是魏主以為先識。拜虎威將軍。河內

常爽。字仕明。溫人。世寓涼州。不受禮命。魏主以為宣威將軍。

以索敞為中書博士。時魏方尚武功。貴遊子弟。不以講學為意。敞為博士。十餘年。勤于誘

導。肅而有禮。多所成就。常爽亦置館于溫水之右。教授七百餘人。立賞罰之科。弟子事之如嚴君。由是魏之儒

風始振。溫水亦曰溫湯。在大同府大同縣西南。水經注。桑乾城西有溫湯。即此。

魏命崔浩高允修國史

魏主命崔浩監秘書事綜理史職以侍郎高允張偉參

典著作浩集諸歷家考校漢元以來日月薄蝕五星行

度并譏前史之失別爲魏歷以示高允允曰漢元年十

案星傳太白辰星常附日而行十月日在尾箕昏没于

申南而東井方出于寅北二星何得背日而行此乃歷

術之淺事而史官欲神其事不復推之于理今譏漢史

而不覺此謬恐後人之譏今猶今之譏古也浩曰天文

欲爲變者何所不可耶允曰此不可以空言爭宜更審

之後歲餘浩謂允曰先所論者果如君言五星乃以前

三月聚東井非十月也衆乃歎服考秦以十月爲正

漢初因之天文志所云十月五星聚東井乃今之七月

也宋劉放之論甚詳允雖明歷初不推步論說惟東宮

少傅游雅知之數以災異問允允曰陰陽災異知之甚

難旣已知之復懼漏泄不如不知也天下妙理至多何

遽問此

魏除田禁。

魏主問高允。何政爲先。允曰。臣少賤。唯知農事。若國家廣田積穀。公私有備。則饑饉不足憂也。時魏多禁封良田。故允及之。魏主乃命悉除其禁。以賦百姓。

庚宋元嘉十七年。魏辰太平真君元年。夏四月戊午朔日食。

六月。魏大赦改元。

魏主改元太平真君。取寇謙之神書云。輔佐北方太平真君故也。

改元已非正理。況傳會神書以真君自號乎。古今紀年之誕無有甚於此者。

冬十月。宋領軍劉湛有罪。誅以彭城王義康爲江州刺史。江夏王義恭爲司徒。錄尚書事。始興王濬

字休明。文帝第二子。爲揚

州刺史。

宋司徒義康專總朝權。

宋主羸疾積年。屢至危殆。義康盡心營奉。藥石非親嘗不進。或

連夕不寐。性好吏職。糾剔精盡。凡所陳奏。入無不可。方伯以下。並令選用。生殺大事。或以錄命斷之。勢傾遠近。

朝野輻輳。義康傾身引接。未嘗稍懈。士之幹練者。多被意遇。然素無學術。不識大體。朝士有才用者。皆引入已

府。府僚無施及。忤旨者。乃斥為臺官。自謂兄弟至親。不復存君臣形迹。置私僮六千人。四方獻饋。皆以上品薦

義康。而以領軍劉湛與僕射殷景仁有隙。欲倚義康以次者供御。

傾之。義康權勢已盛。湛愈推崇之。無復人臣之禮。宋主

浸不能平。殷景仁密言于宋主曰。相王權重。非社稷計。

宜少裁抑。宋主然之。義康長史劉斌。

洪之宗。

王履。諡之。劉

敬文。

沛郡人。

孔允秀。

魯郡人。

皆以傾陷有寵于義康。宋主嘗

疾篤。使義康具顧命詔。義康還省。流涕以告湛。及景仁。

湛曰。天下艱難。詎是幼主所御。義康。景仁。皆不答。而允

秀等輒就尚書議曹索晉立康帝舊事。義康不知也。及宋主疾瘳。微聞之。而斌等密謀欲使大業終歸義康。遂邀結朋黨。伺察禁省。有不與已同者。必百方構陷之。自是主相之勢分矣。既而湛遭母憂去職。自知罪釁已彰。無復全地。謂所親曰。常日正賴口舌爭之。故得推遷。今旣窮毒。無復此望。禍至其能久乎。至是宋主收湛下詔誅之。及斌等八人。義康上表遜位。詔以爲江州刺史。出鎮豫章。初。殷景仁卧疾五年。雖不見上。而密函去來。日以十數。影迹周密。莫有窺其際者。收湛之日。景仁使拂拭衣冠。左右莫曉其意。至夜聞召。猶稱脚疾。以小牀輿就坐。誅討處分。一以委之。初。檀道濟薦沈慶之忠謹曉兵。宋主使領隊。劉湛謂曰。卿在省歲久。比當相論。慶之正色曰。下官在省十年。自應得轉。不復以此仰累。收湛之夕。宋主召之。慶之戎服縛袴而入。宋主曰。卿何意。乃爾急裝。慶之曰。夜半喚隊主。不容緩服。乃遣收

朱祁趙自艱難新洲衲衣
留示子孫可也轉付主家
亦何爲者而會稽主竟視
如護符爲其子以死命時
尚悍橫若此其貽謀之不
臧可知矣我母汝父云云
直是委巷婦嫗嫗罵口吻
提筆論

劉斌殺之。將軍徐湛之與義康尤親厚。被收當死。其母
會稽公主於兄弟爲長嫡。高祖微時。自於新洲伐荻。有
衲布衫襖。藏皇后所作也。旣貴。以付公主。曰。後世有驕
奢不節者。可以此衣示之。至是。公主入見。號哭。以錦囊
盛衲衣。擲地曰。汝家本貧賤。此是我母爲汝父所作。今
日得一飽餐。遽欲殺我兒耶。宋主乃赦之。王履叔父球
爲吏部尚書。簡淡有美名。以履性進利。屢戒之。至是。履
徒跣告球。球曰。常日語汝云何。履不能對。球徐曰。阿父
在。汝亦何憂。宋主以球故。免履死。廢於家。初。吳興太守
謝述。累佐義康。數有規益。早卒。至是。義康歎曰。昔謝述
唯勸吾退。劉班唯勸吾進。今班存而述死。其敗也宜哉。
宋主亦曰。謝述若存。義康必不至此。久之。宋主就會稽
公主宴集。甚懽。主起再拜。悲不自勝。曰。車子歲暮。必不
爲陛下所容。今特請其命。因慟哭。宋主亦流涕。指蔣山
曰。必無所慮。若違今誓。便是負初。寧陵。卽封所飲酒。賜
義康。故終主之身。義康得無恙。徐湛之。字孝源。東海
郟人。王球。字蒨玉。謚之子。劉班。劉湛小字班虎。故稱爲
班。車子。義康小字。蔣山。卽鍾山。在上元縣東北。初。寧陵
在其南。義恭懲彭城之敗。雖爲總錄。奉行文書而已。宋主
乃安之。景仁爲揚州刺史。尋卒。以王球爲僕射。始興王

快不得志蓋士習之常然亦何至謀叛而當時謝靈運范曄比比皆是可見偏安季世政無綱紀矣然文帝既知逆惡之萌又恐以妒才信讒為嫌濡忍不絕卒至芽蘖存柯悔之已晚小不忍則亂大謀所以為千古龜鑑

濬為揚州刺史范曄

字蔚宗順陽人泰之子

沈演之

字臺真武康人

為左

右衛將軍對掌禁旅庾炳之為吏部郎俱參機密

蔚宗有雋

才而薄情淺行數犯名教為士流所鄙性躁競自謂才用不盡常快快不得志吏部尚書何尚之言於宋主曰蔚宗志趨異常請出為廣州刺史若在內釁成不得不加鈇鉞鈇鉞亟行非國家之美也宋主曰始誅劉湛復遷蔚宗人將謂卿等不能容才朕信受讒言但共知其如此無能為害也

辛宋元嘉十八年魏已太平真君二年

春正月宋以彭城王義康都督江交

廣州軍事

義康至豫章辭刺史以為都督三州軍事

前龍驤參軍扶令育上表

曰彭城王先朝之愛子陛下之次弟若有迷謬之愆正可導以義方奈何一旦黜削遠送南垂萬一義康年命窮盡奄忽于南臣雖微賤竊為陛下羞之陛下徒知惡枝之宜伐豈知伐枝之傷樹乎願亟召還兄弟協和君臣輯睦則四海之望塞多言之路絕矣表奏即收付建康獄賜死扶姓令育巴東人

上宋元嘉十九年魏
午太平真君三年

春正月魏主詣道壇受符籙

魏寇謙之言於魏主曰陛下以真君御世建靜輪天宮

之法開古以來未之有也應登受符書以彰聖德魏主

從之自是每世卽位皆受符籙

謙之又奏作靜輪宮必令其高不聞鷄犬欲以

上接天神崔浩亦勸爲之功費萬計經年不成太子晃諫曰天人道殊高卑定分不可相接理在必然今耗府

庫疲百姓爲無益之事將安用之不聽

夏五月宋討楊難當平之

先是楊難當寇宋漢川宋遣龍驤將軍裴方明等討之

至是方明等至漢中與劉真道

武帝從母弟懷敬之子

分兵攻取

旁邑難當遣兵拒戰方明等大破之難當奔上邽獲其

兄子保熾又獲其子虎方明以虎送建康斬之仇池平

以胡崇之為北秦州刺史鎮其地立保熾為楊元後守
仇池魏人迎難當詣平城真道方明坐匿金寶善馬下
獄死既而魏擊宋仇池取之胡崇之被擒楊保熾走

秋七月甲戌晦日食

九月宋以沮渠無諱為河西王

涼之亡也牧犍之弟無諱出奔敦煌寇魏酒泉拔之已

而魏克酒泉無諱遂棄敦煌西據鄯善今甘肅西安府之西有地名噶

斯即古鄯善國時州人闕爽涼故太守據高昌今吐魯番地漢為車師前部高昌壁涼張

駿于此置為唐契亦涼故將所攻爽遣使詐降于無諱欲與

之共攻契比無諱至高昌契已死爽閉門拒之無諱因

襲據高昌遣使奉表于宋宋以無諱為河西王爽奔蠕蠕無諱

卒

冬十二月。宋修孔子廟。

詔魯郡修孔子廟。及學舍。蠲墓側五戶課役。以供灑掃。

魏以李寶

字懷素。西涼武昭王嵩之孫。

爲敦煌公。

寶自其伯父歆爲沮渠蒙遜所滅。北奔伊吾。遺民歸附者。稍至二千餘衆。及沮渠無諱棄敦煌而西。寶帥衆自伊吾入據之。繕修城府。規復先業。遣使奉表于魏。魏以爲鎮西大將軍敦煌公。已而寶朝于魏。魏遂留之。

魏尚書李順有罪誅。

魏主使李順差次羣臣。賜以爵位。順受賄。品第不平。魏主怒。且以順保庇沮渠氏。面欺誤國。賜死。

宋元嘉二十年。魏未太平。真君四年。

夏四月。魏殺其武都王楊保宗。秋。七

月宋立楊文德爲武都王。

魏河間公齊

烈帝之元孫

與武都王楊保宗對鎮維谷。

谷注

見前保宗弟文德說保宗閉險自固以叛魏或以告齊齊

誘執保宗送平城殺之其屬符達等遂舉兵立文德爲

王據白崖

山名在漢中府洋縣北

分兵取諸戍進圍仇池自號仇

池公魏將軍古弼擊之文德退走皮豹子

漁陽人

督關中

軍至下辯魏以豹子爲仇池鎮將文德遣使求援于宋

宋以文德爲征西大將軍武都王

九月魏主襲柔然走之。

魏主如漠南以輕騎襲柔然遇敕連可汗太子晃曰賊

不意大軍猝至宜掩其不備速進擊之尙書劉潔曰賊

營塵盛其衆必多。不如須諸軍大集擊之。晃曰。塵盛者。軍士驚擾也。何得營上而有此塵乎。魏主疑之。不急擊。柔然遁去。追之不及。獲其後騎。曰。柔然不覺魏軍至。惶駭北走。經六七日。知無追者。始乃徐行。魏主深悔之。自是軍國大事。皆與晃謀之。司馬楚之別將督軍糧。柔然欲擊之。俄而軍中有告失驢耳者。楚之曰。此必賊遣姦人入營覘伺。割以爲信耳。賊至不久。宜急爲備。乃伐柳爲城。以水灌之。俄而賊至。冰堅滑不可攻。乃散走。

甲宋元嘉二十一年。申魏太平真君五年。春正月。宋主耕藉田。大赦。

魏太子晃總百揆。

魏以太子晃總百揆。以中書監穆壽。司徒崔浩。侍中張

黎。鴈門平

古弼輔之。

弼忠謹質直。嘗以上谷苑囿太廣。乞減大半。以賜貧民。魏主方與給。

古弼在魏頗著名聲然亦何至於君前起捧侍臣古之激慙者伏青蒲攀殿檻而極矣何嘗失禮若此乎但圍柱不聽奏事亦乖臨下之體元魏君臣蓋兩失之

事中劉樹圍棋志不在弼弼侍坐良久不獲陳聞忽起摔樹頭毆之曰朝廷不治實爾之罪魏主失容曰不聽奏事朕之過也樹何罪置之弼乃具以狀聞魏主可之弼曰為臣無禮至此其罪大矣出詣公車免冠徒跣請罪魏主詔令冠履就職且諭之曰苟有可以利社稷便百姓者竭力為之勿顧慮也

魏禁私養沙門巫覡

魏主詔王公以下至庶人有私養沙門巫覡者皆遣詣官過二月十五日不出者沙門巫覡死主人門誅

魏令公卿子弟皆入太學

魏詔王公卿大夫之子皆詣太學其百工商賈之子各習父兄之業毋得私立學校違者師死主人門誅

二月魏尚書令劉潔有罪誅樂平王丕

明元帝之子

以憂卒

初魏尚書令劉潔久典機要恃寵自專魏主心惡之及

將擊柔然。潔諫止之。崔浩固勸魏主行。魏主從之。潔恥

其言不用。欲敗魏師。魏主與諸將期會鹿渾谷。

胡三省註。卽鹿

渾海之谷也。地直平城西北。

潔矯詔易其期。至鹿渾谷。欲擊柔然。潔

又止之。使待諸將。留六日而諸將不至。柔然遂遠遁。軍

還。糧盡。士卒多死。潔陰使人驚魏軍。勸魏主委軍輕還。

不從。又以軍出無功。請治崔浩之罪。魏主曰。諸將失期。

遇賊不擊。浩何罪也。浩以潔矯詔事白。魏主收潔囚之。

魏主之北行也。潔私謂所親曰。若車駕不反。吾當立樂

平王。又聞尙書張嵩家有圖讖。問曰。劉氏應王。吾有姓

名否。魏主聞之。命有司窮治。潔嵩皆夷三族。樂平王不

以憂卒。

秋八月魏主畋于河西

魏主詔以肥馬給獵騎。尙書令古弼留守。悉以弱馬給

之。魏主大怒曰。筆頭奴敢裁量朕。弼頭銳。故魏主常以筆目之。朕還

臺先斬此奴。弼官屬惶怖。并恐坐誅。弼曰。吾爲人臣。不

使人主盤于游田。其罪小。不備不虞。乏軍國之用。其罪

大。今蠕蠕方彊。南寇未滅。吾爲國遠慮。雖死何傷。且吾

自爲之。非諸君之憂也。魏主聞之。歎曰。有臣如此。國之

寶也。賜衣一襲。他日復畋於山北。獲麋鹿數千頭。詔尙書發牛車五百乘運之。旣而謂左右曰。

筆公必不與我。汝輩不如自以馬運之。尋果得弼表曰。今秋穀懸黃。麻菽布野。猪鹿竊食。鳥鴈侵費。風雨所耗。

朝夕三倍。乞賜矜緩。使得收載。魏主曰。果如吾言。筆公可謂社稷之臣矣。

宋以衡陽王義季爲兖州刺史。南譙。晉僑郡。梁廢。故城在今江南滁州全椒縣。

御批歷代通鑑輯覽

卷之三十六

王義宣武帝子為荊州刺史。

初宋主以義宣不才故不用。會稽公主屢以為言。宋主

不得已用之。先賜詔曰。師護在西。雖無殊績。潔已節用。

論者未議遷之。今之回換。更為汝與師護。年時一輩。欲

各試其能。汝往脫有一事減之者。遷代之。議必歸于吾

矣。師護義宣至鎮。勤自課厲。事亦修理。宋主餞義季

義季小字。故臺城內。將行。敕諸子且勿食。至會所設饌。

日盱不至。皆有饑色。乃謂曰。汝曹少長豐佚。不見百姓

艱難。今使汝曹識有饑苦。知以節儉御物耳。

乙宋元嘉二十二年。春正月朔。宋行元嘉歷。

初宋太子率更令何承天撰元嘉新歷。表上云。以月食

之衝。知日所在。日與月對衝。光相掩而知之。又以中星驗之。知堯時

冬至日在須女十度。此以堯典日短星昴推之。今在斗十七度又測

景較二至差三日有餘。用周禮測日至之景之法。知今之南至日應

在斗十三四度。于是更立新法。冬至徙上三日五時。日

之所在移舊四度。又月有遲疾。前歷合朔月食不在朔

望。今皆以盈縮定其小餘。歷法有大餘小餘。史記歷書曰。大餘者日也。小餘者月也。

奇曰為大餘。奇分為小餘。積而成閏。以正朔望。詔付外詳之。太史令錢樂

之等奏。皆如承天所上。惟月有頻三大。頻二小。承天法。每月晦

朔及弦皆定大小餘。或連三月皆大。或連二月皆小也。比舊為異。謂宜仍舊。詔可。

至是始行之。初漢京房以十二率。仲呂上生黃鍾。不滿九寸。更演為六十率。樂之復演為三百六

十率。日當一管。承天以為上下相生。三分損益其一。蓋古人簡易之法。猶古歷周天三百六十五度四分度之

一。而房不悟。謬為六十。乃更設新率。林鍾長六寸一釐。則從仲呂還得黃鍾。十二旋宮。聲韻無失。率與律通。

宋以武陵王駿

文帝第三子即孝武帝

爲雍州刺史

宋主欲經略關河故以駿鎮襄陽

三月魏詔中書以經義決疑獄

冬十一月魏人侵宋

魏選六州驍騎二萬分爲二道掠淮泗以北徙青徐之民以實河北

十二月宋太子詹事范曄謀反伏誅

初魯國孔熙先博學文史兼通數術爲員外散騎侍郎憤憤不得志父默之爲廣州刺史以賊獲罪彭城王義康救解得免及義康遷豫章熙先密懷報効且以爲天文圖讖宋主必以非道晏駕禍由骨肉而江州應出天

子。以范蔚宗志意不滿。欲引與同謀。乃厚結蔚宗甥太

子中書舍人謝綜。

述之子。

綜引熙先見蔚宗。熙先家故饒

于財數與蔚宗博。故爲拙行。以物輸之。由是情好款洽。

熙先從容說蔚宗弑宋主。立義康。蔚宗愕然。熙先曰。丈

人奕葉清通。而不得連姻帝室。人以犬豕相遇。而丈人

曾不之恥。欲爲之死。不亦惑乎。

蔚宗門無內行。故熙先以此激之。

蔚宗

默然不應。反意乃決。綜素爲義康所厚。弟約又娶其女。

丹陽尹徐湛之。及尼法靜。皆義康黨。並與熙先往來。法

靜妹夫許曜。領隊在臺。許爲內應。熙先以牋書與義康。

陳說圖讖。于是密相署置。又詐作義康與湛之書。令誅

君側之惡。宣示同黨。宋主之燕武帳岡也。蔚宗等謀以

於時不動色對妻妾悲涕
不惟賊臣兼是逆子詩雖
佳比之鸚鵡能言可耳史
載若輩臨終相語況似有
惜意哉

其日作亂許曜扣刀目蔚宗蔚宗不敢發湛之恐事不

濟密白其謀宋主乃命有司收付廷尉蔚宗綜熙先及

其子弟黨與皆伏誅熙先被收望風吐欬詞氣不撓宋主奇其才遣人慰勉之曰以卿之

才而滯于集書省理應有異志此乃我負卿也熙先于

獄中上書謝恩且陳圖讖深戒宋主以骨肉之禍蔚宗

在獄為詩曰雖無嵇生琴庶同夏侯色比誅其母在市

弟泣責之蔚宗色不怍妹及妓妾來別蔚宗悲涕流連

綜曰舅殊不及夏侯色乃收淚而止謝約不預逆謀見

綜與熙先遊常諫止之綜不從而敗綜母以子自蹈逆

亂獨不出視蔚宗語綜曰姊今不來勝人多矣

宋廢其彭城王義康為庶人徙安成郡注見前

有司奏削義康收付廷尉治罪詔免為庶人絕屬籍徙

安成郡以沈邵

字道輝林

為安成相領兵防守

義康在安成讀

書見淮南厲王事廢書歎曰自古有此我乃不知得罪宜矣

宋始備郊廟之樂。

初江左二郊無樂。宗廟有歌無舞。是歲南郊始設登歌。丙宋元嘉二十三年。春正月。魏主討盧水胡蓋吳。宋發兵戍魏。太平真君七年。援之。

先是魏民間訛言滅魏者吳。盧水胡蓋吳聚衆反于杏城。有衆十餘萬。表降于宋。魏將拓跋紇討之。敗死。河東蜀人遷居河東者謂之河東蜀。薛永宗復聚衆以應吳。至是魏主發兵討之。軍至東雍州。臨薛永宗壘。永宗出戰。大敗。赴水死。諸軍大破吳于杏城。吳復遣使求援于宋。宋以吳爲北地公。發雍梁兵屯境上。爲吳聲援。

三月。魏誅沙門。毀佛書佛像。

魏主與崔浩皆信重寇謙之奉其道浩素不信佛法每言于魏主以爲佛法虛誕宜悉除之及魏主至長安入佛寺沙門飲從官酒從官入其室見大有兵器出以白魏主魏主怒曰此非沙門所用必與蓋吳通謀欲爲亂耳命有司按誅闔寺沙門閱其財產得釀具及窟室婦女浩因說魏主悉誅境內沙門焚毀經像魏主從之詔曰昔後漢荒君信惑邪僞以亂天常使政教不行禮義大壞九服之內鞠爲邱墟朕欲除僞定真滅其蹤跡有司其宣告征鎮諸有佛像胡書皆擊破焚燒沙門無長少悉阮之自今以後有事胡神及造泥人銅人者門誅太子晃素好佛法屢諫不聽乃緩宣詔書使遠近豫聞之得各爲計沙門多亡匿獲免或收藏書像惟塔廟無復子遺

魏人侵宋

初魏移書于宋。以南國僑立諸州。多濫北地名號。又欲遊獵具區。宋人答曰。必若囚士立州。則彼立徐揚。豈有其地。如欲觀化南國。則呼韓入漢。厥儀未泯。館郎饋餼。每存豐厚。至是魏人侵宋。北邊騷動。宋主以爲憂。咨謀羣臣。御史中丞何承天。上表以爲。凡備匈奴之策。不過二科。武夫盡征伐之謀。儒生講和親之約。今若追踪衛霍。自非大田淮泗。內實青徐。使民有盈儲。野有積穀。然後發卒十萬。一舉蕩夷。則不足爲也。若但欲遣軍追討。報其侵暴。則彼輕騎奔走。不肯會戰。徒興巨費。不損于彼。報復之役。遂將無已。斯策之最末者也。惟安邊固守。于計爲長耳。夫曹孫之霸才。均智敵。江淮之間。不居各數百里。何者。斥候之郊。非耕牧之地。故堅壁清野。以候其來。整甲繕兵。以乘其弊。保民全境。不出此塗。要而歸之。其策有四。一曰。移遠就近。今青兗舊民。及冀州新附。在首界者三萬餘家。可悉徙置大峴之南。以實內地。二曰。多築城邑。以居新徙之家。假其經用。春夏佃牧。秋冬入保。寇至之時。一

城千家。戰士不下二千。其餘羸弱猶能登陴鼓譟。足抗羣虜三萬矣。三曰。纂偶車牛。以載糧械。計千家之資。不下五百耦牛。為車五百兩。參合鈎連。以衛其衆。設使城不可固。平行趨險。賊不能干。有急徵發。信宿可聚。四曰。計丁課仗。凡戰士二千。隨其便能。各自有仗。素所服習。銘刻由已。還保輸之于庫。出行請以自新。弓箠利鐵。民不得者。官以漸充之。數年之內。軍用粗備矣。近郡之師。遠屯清濟。功費既重。嗟怨亦深。以臣料之。未若即用彼衆之易也。今因民所利導而帥之。兵強而敵不戒。國富而民不勞。比于優復隊伍。坐食糧廩者。不可同年而校矣。

宋伐林邑克之

初林邑王范陽邁雖奉貢于宋而寇盜不絕宋主遣交

州刺史檀和之討之南陽宗慤

字元幹

家世儒素

慤叔父少文高

向不仕諸子羣從皆愛好墳典

慤獨好武事常言願乘長風破萬里浪

至是自請從軍和之進圍區粟城

在日南水經注盧容水出口南盧容縣區

栗城遣慤為前鋒擊林邑別將破之和之等乘勝入象

浦在盧容縣縣本象林縣地故亦謂之象浦陽邁傾國來戰以具裝馬甲謂之具裝

被象前後無際宗慤曰吾聞外國有獅子威服百獸乃

製其形與象相拒象果驚走遂克林邑獲寶不可勝計

慤一無所取還家之日衣櫛蕭然

夏六月癸未朔日食

秋七月宋以杜坦驥之弟為青州刺史

初杜預之子耽避晉亂居河西仕張氏秦克涼州子孫

始還關中宋高祖滅後秦坦兄弟從過江時江東王謝

諸族方盛北人晚渡者朝廷悉以傖荒謂其自荒外來也遇之

雖復人才可施皆不得踐清塗宋主嘗與坦論金日磾

門第衡人最爲江左惡習
果其人才足錄奈何以疆
界限之如是而欲希避日
礪流輩不啻竿瑟之異好
矣

曰。恨今無復此輩人。坦曰。日磾假生今世。養馬不暇。豈
辦見知。宋主變色曰。卿何量朝廷之薄也。坦曰。請以臣
言之。臣本中華高族。世業相承。直以南渡不早。便以儉
荒賜隔。況日磾胡人。身爲牧圉乎。宋主默然。
八月。魏將陸侯魏內入諸姓步六孤氏後改陸氏侯代人討蓋吳。斬之。安定胡
劉超反。侯又斬之。

蓋吳屯杏城。魏遣高涼王那

平文帝之後

等討破之。獲其二

叔諸將。欲送詣平城。長安鎮將陸侯以爲不討蓋吳。其
變未已。莫若私許吳叔。免其妻子。使自追吳。吳必就禽。
諸將咸曰。脫吳叔不返。誰任其罪。侯曰。此罪我爲。諸君
任之。遂與刻期而遣之。及期不至。諸將皆咎侯。侯曰。彼

未得其便爾。必不負也。後數日。果以吳首來。傳詣平城。討其餘黨。悉平之。以俟爲內都大官。會安定盧水胡劉超復反。魏主復遣俟鎮長安。俟單馬至鎮。超喜。以俟爲無能也。俟旣至。喻以成敗。誘納其女。與爲姻戚。以招之。超無降意。俟乃帥帳下往見之。超設備甚嚴。俟縱酒盡醉而還。頃之。復選敢死士五百人出獵。因詣超營。約曰。發機當以醉爲限。旣飲。俟陽醉。上馬大呼。手斬超首。士卒應聲縱擊。殺傷千數。遂平之。魏主復徵俟爲外都大官。

丁未元嘉二十四年。秋八月。宋衡陽王義季卒。

亥魏太平真君八年。義季自義康之貶。遂縱酒不事事。以至成疾而終。

宋史紀事本末

卷之三十六

三

戊宋元嘉二十五年。夏四月。宋以武陵王駿為徐州刺史。

彭城太守王元謨上言。彭城要兼水陸。請以皇子撫臨。

州事。故有是命。

已宋元嘉二十六年。秋七月。宋以隨王誕字休文。文帝第六子。後改封竟

陵王。為雍州刺史。

宋主欲經略中原。羣臣爭獻策。以迎合取寵。王元謨尤

好進言。宋主謂侍臣曰。觀元謨所陳。令人有封狼居胥

意。漢霍去病封狼居胥事見前。御史中丞袁淑字陽源。陳郡陽夏人。曰。陛下今

當席卷趙魏。檢玉岱宗。臣逢千載之會。願上封禪書。宋

主悅。以襄陽外接關河。欲廣其資力。乃罷江州軍府。文

武悉配雍州。湘州入臺租稅。悉給襄陽。

九月魏主伐柔然大獲。

柔然處羅可汗。

敕連可汗死。處羅可汗立。

為魏高涼王那所敗遁走。

那追之九日夜悉收其輜重而還。自是柔然衰弱屏跡。

不敢犯魏塞。

庚宋元嘉二十七年。

魏春二月魏主侵宋圍懸瓠。城名。今河南汝

寧府治是水經注汝水東逕懸瓠城北城形若垂瓠然。

夏四月魏師還。

魏主將伐宋宋主聞之敕淮泗諸郡若魏寇小至則各

堅守大至則拔民歸壽陽邊戍偵候不明魏主自將步

騎十萬奄至南頓潁川太守皆棄城走。是時豫州刺史

南平王鑠

字休元。文帝第四子。

鎮壽陽遣參軍陳憲守懸瓠。城中

戰士不滿千人。魏主圍之。

魏人晝夜攻懸瓠。作高樓臨城以射之。矢下如雨。城中負

戶以汲施大鉤于衝車之端以牽樓堞壞其南城陳憲
內設女牆外立木柵以拒之魏人填塹肉薄登城憲督
萬將士苦戰積屍與城等魏人乘屍上城短兵相接憲
銳氣愈奮戰士無不一當百殺傷萬計城中死者亦過
半魏遣永昌王仁驅所掠六郡生口北屯汝陽宋主遣
間使命武陵王駿發騎襲之駿發百里內馬得千五百
匹分爲五軍遣參軍劉泰之等將之直趨汝陽魏人唯
慮救兵自壽陽來不備彭城泰之潛進擊之殺三千餘
人燒其輜重魏人奔散諸生口悉得東走魏人偵知泰
之等兵無後繼復引兵擊之士卒驚亂走死免者九百
餘人馬還魏主攻懸瓠四十二日宋主遣南平內史臧
質字含文司馬劉康祖彭城呂人共救懸瓠魏遣任城公乞
地真逆拒之質等斬乞地真四月魏主燒攻具引兵還

宋以陳憲爲龍驤將軍

宋以江湛

字微淵濟陽考城人

爲吏部尙書

湛性公廉與僕射徐湛之並爲上所寵信時稱江徐

六月魏殺其司徒崔浩夷其族。

浩自恃才畧。及爲魏主所寵任。專制朝權。嘗薦士數十

人皆起家爲郡守。

太子晃曰。先徵之人。亦州郡之選。在職已久。勤勞未答。宜先補郡縣。以新

徵者。代爲郎吏。浩固爭而遣之。中書侍郎高允聞之。曰。崔公其不免乎。苟遂其非。而校勝于上。將何以堪之。

魏主使浩允等共譔國記。曰。務從實錄。著作令史閔湛

郗標性巧佞。浩嘗注易及論語詩書。湛標上疏言馬鄭

王賈不如浩之精微。乞班浩所注。令天下習業。浩亦薦

湛標有著述才。湛標又勸浩刊所撰國史于石。以彰直

筆。

允聞之。謂著作郎宗欽曰。湛標所營分寸之間。恐爲崔門萬世之禍。吾徒亦無噍類矣。

浩竟刊

石。立于郊壇東方百步。所書魏之先世事皆詳實。列于

衢路。北人無不忿恚。相與譖浩。以爲暴揚國惡。魏主大

怒。使有司按浩及秘書郎吏等罪狀。初。魏主使高允授太子經。及浩被收。太子召允謂曰。吾自導卿。至尊有問。但依吾語。太子入言。允小心慎密。且制由崔浩。請赦其死。魏主問曰。國史皆浩所爲乎。對曰。太祖記。前著作郎鄧淵所爲。先帝記。及今記。臣與浩共爲之。然浩所領事多。總裁而已。至于著述。臣多于浩。魏主怒曰。允罪甚于浩。何以得生。太子懼曰。天威嚴重。允小臣。迷亂失次耳。臣向問。皆云浩所爲。魏主問信如東宮言乎。對曰。臣罪當滅族。不敢虛妄。殿下哀臣。欲勾其生耳。魏主顧謂太子曰。直哉。此人情所難。臨死不易辭。信也。爲臣不欺君。貞也。宜特除其罪。遂赦之。召浩臨詰。浩惶惑不能對。允

事事申明。皆有條理。

魏主命允為詔。誅浩。及僚屬。僮吏。凡百二十八人。皆夷五族。允持疑。

不為帝。頻使催切。允曰。浩之所坐。若更有餘孽。非臣敢知。若直以觸犯。罪不至死。魏主怒。命武士執允。太子為

之拜請。魏主意解。乃曰。無。六月。詔誅浩。夷其族。餘皆誅。斯人當更有數千口死矣。

其身。

他日。太子讓允曰。吾欲為卿脫死。而卿終不從。激怒帝。如此。每念之。令人心悸。允曰。去史者。所以記

人主善惡。為將來勸戒。故人主有所畏忌。崔浩孤負聖恩。不為無罪。至于書朝廷起居。言國家得失。此為史之

大體。未為多違。臣與浩實同其事。死生榮辱。義無獨殊。誠荷殿下再造之慈。違心苟免。非臣所願也。太子動容

稱歎。魏主既誅浩而悔之。會北部尚書宣城公李孝伯病篤。或傳已卒。魏主悼之。曰。李宣城可借。既而曰。朕失

言。崔司徒可惜。李宣城可哀。自浩之誅。軍國謀議。皆出孝伯。寵眷亞于浩。李孝伯。平棘人。順從父弟。

秋。宋人大舉侵魏。取碯礪。

注見前。

圍滑臺。冬十月。魏主自將

救之。宋將軍王元謨退走。

宋主欲伐魏。丹陽尹徐湛之。尚書江湛。寧朔將軍王元

謨等並勸之。校尉沈慶之諫曰。我步彼騎。其勢不敵。檀道濟再行無功。到彥之失利而返。今料王元謨等未踰兩將。六軍之盛。不過往時。恐重辱王師。宋主曰。道濟養寇自資。彥之中途疾動。虜所恃惟馬。今夏水浩汗。河道流通。汎舟北下。碣磔必走。滑臺易拔。克此二城。館穀弔民。虎牢洛陽。自然不固。比及冬初。城守相接。虜馬過河。卽成禽也。慶之又固陳不可。宋主使湛之等難之。慶之曰。治國譬如治家。耕當問奴。織當問婢。今欲伐國而與白面書生輩謀之。事何由濟。宋主大笑。太子劭及將軍蕭思話亦諫皆不聽。七月。宋主遣王元謨帥沈慶之。申坦。魏郡人。水軍入河。受督于青冀刺史蕭斌。墓之子。臧質王

方回徑造許洛駿

武陵王鑠南平

東西齊舉劉秀之

字道寶東

莞莒震盪汧隴義恭出次彭城爲衆軍節度

是時軍旅大起上公

如主及朝士牧守下至富民各獻金帛雜物以助國用又以兵力不足悉發六州三五民丁倩使暨行募中外有馬步衆藝武力之士應科者皆加厚賞有司奏軍用不充富民家資滿五十萬僧尼滿二十萬並四分借一事息魏羣臣初聞有宋師言于魏主請兵救緣河穀帛卽還魏羣臣初聞有宋師言于魏主請兵救緣河穀帛

魏主曰馬今未肥天時尚熱速出必無功若兵來不止

且還陰山避之國人本著羊皮袴何用綿帛展至十月

吾無憂矣九月魏主引兵救滑臺命太子晃屯漠南以

備柔然王元謨士衆甚盛器械精嚴而元謨貪懷好殺

初圍滑臺城多茅屋衆以火箭燒之元謨曰彼吾財也

何遽燒之城中卽撤屋穴處時河洛之民競出租穀操

兵來赴者日以千數。元謨不卽其長帥而以配私暱家
付匹布責大梨八百。由是衆心失望。攻城數月不下。聞
魏救將至。衆請發車爲營。元謨不從。十月。魏主夜渡河。
衆號百萬。鞞鼓之聲震動天地。元謨懼退走。魏人追擊

之死者萬餘人。麾下散亡畧盡。委棄軍資器械山積。是

元謨遣垣護之以百舸爲前鋒。據石濟。護之聞魏兵將

至。馳書勸元謨急攻。元謨不從。魏人以所得戰艦連以

鐵鎖三重斷河以絕護之還路。河水迅急。護之中流而

下。每至鐵鎖以長柯斧斷之。魏不能禁。惟失一舸。餘皆

完備。而返蕭斌遺沈慶之將五千人救元謨。會元謨遁

還。斌將斬之。慶之固諫曰。佛狸威震天下。豈元謨所能

當。且殺戰將以自弱。非良計也。斌乃止。斌將固守碭礪

慶之曰。今青冀虛弱而坐守窮城。若虜衆東過。清東非

國寧有也。碭礪孤絕復作朱修之滑臺耳。會詔使至。不

聽。出師斌復召諸將議之。慶之曰。聞外之事。將軍得以
專之詔從遠來。不知事勢。節下有一范增而不能用。空
議何施。斌及坐者並笑曰。沈公乃更學問。慶之厲聲曰。

衆人雖知古今。不如下官耳學也。斌乃使王元謨成碣。
礮申坦垣護之。據清口。自將諸軍還歷城。石濟水經。
河水逕東燕縣故城。東濟水北來注之。注垣護之守石
濟。即此東燕故城。在衛輝府延津縣佛狸。魏主小字清
口。清水入河之口。

十一月。魏主進至魯郡。以太牢祠孔子。

魏王自東平趨鄒山。

即嶧山。注見前。

禽魯郡太守崔邪利。見秦

始皇石刻。

即嶧山碑。李斯所篆。

使人排而仆之。以太牢祠孔子。

宋雍州參軍柳元景。

字仁孝。河東解人。

大破魏師于陝。斬其將張

是連提。進據潼關而還。

宋畧陽太守龐法起等諸軍入盧氏。

漢縣。今屬河南陝州。斬縣令。

以趙難爲令。使爲鄉導。柳元景等進攻弘農。拔之。進向

潼關。詔以元景爲弘農太守。元景使薛安都。

河東汾陰人。

尹

顯祖先引兵就法起等于陝元景于後督租陝城險固。

攻之不拔魏洛州刺史張是連提帥衆二萬度嶠救陝。

安都等與戰于城南魏人縱突騎諸軍不能敵安都怒。

脫兜鍪解鎧唯著絳衲兩當前當心後當背謂之兩當馬亦去具裝。

瞋目橫矛單騎突陳所向無前魏人夾射不能中如是。

數四殺傷不可勝數日暮別將魯元保引兵自函谷關。

至魏兵乃退明日安都等陳于城西南魯方平謂安都。

曰今勅敵在前堅城在後是吾取死之日卿若不進我。

當斬卿我若不進卿斬我也安都曰善遂合戰軍副柳。

元佑引兵自南門鼓譟直出旌旗甚盛魏衆驚駭安都。

挺身奮擊流血凝肘矛折易之更入諸軍齊奮自旦至。

口是魏衆大潰。斬張是連提。及將卒三千餘級。其餘赴

河塹死者甚衆。降者二千餘人。明口元景至襄降者曰汝輩本中國民今爲敵

盡力。力屈乃降。何也。皆口敵驅民戰。後出者滅族。以騎

蹙步。未戰先死。此將軍所親見也。諸將欲盡殺之。元景

口王旗北指。當使仁聲先路。盡釋而遣之。皆稱萬歲而

去。遂克陝城。進攻潼關。據之。關中豪傑所在遙起。及四

山部落皆來送款。宋以王元謨敗退。魏兵深入。柳元景

等不宜獨進。皆召還。元景使薛安都斷後。引兵歸襄陽。

詔以元景爲襄陽太守。

魏永昌王仁。明元帝之孫。克懸瓠。遂敗宋師于尉武。成名。在壽州北。殺

其將劉康祖。進逼壽陽。

魏永昌王仁攻懸瓠。項城拔之。宋主恐魏兵至壽陽。召

劉康祖使還。仁將八萬騎追及康祖于尉武。康祖有衆

八千人。軍副胡盛之欲依山險。間行取至。康祖怒曰。臨

河求敵。遂無所見。幸其自送。奈何避之。乃結車營而進。下令軍中曰。顧望者斬首。轉步者斬足。魏人四面攻之。將士皆殊死戰。自旦至晡。殺魏兵萬餘人。流血沒踝。康祖身被十創。意氣彌厲。魏分其衆爲三。且休且戰。魏以騎負草。燒車營。康祖隨補其闕。有流矢貫康祖頸。墜馬死。餘衆遂潰。南平王鑠使參軍王羅漢以三百人戍尉武。魏兵至。衆欲南依卑林以自固。羅漢以受命居此。不去。魏人攻而禽之。鑠其頸。使三郎將掌之。羅漢夜斷三郎將首。抱鎖亡奔盱眙。仁進逼壽陽。南平王鑠嬰城固守。

魏主攻彭城不克。

魏軍去彭城十餘里。彭城兵雖多而食少。江夏王義恭

欲棄彭城南歸。長史張暢

字少微。吳人。

曰。城中乏食。百姓咸

有走志。一旦動足。則各自逃散。欲至所在。何由得達。今
軍食雖寡。朝夕猶未窘罄。豈有捨萬安之術。而就危亡
之道。若此計必行。下官請以頸血汚公馬蹄。武陵王駿
謂義恭曰。阿父既爲總統。去留非所敢干。道民駿小字忝
爲城主。必與此城共其存歿。張長史言。不可異也。義恭
乃止。魏主至彭城。使尙書李孝伯至南門。餉義恭貂裘。
餉駿橐駝及騾。曰。魏主致意安北。可暫出見我駿使。
張暢開門出見之。孝伯曰。魏主不圍此城。自帥衆軍直
造瓜步。山名。在江寧府六合縣東南。臨大江。飲江湖以療渴爾。暢曰。去留
之事。自適彼懷。若北馬遂得飲江。便爲無復天道。先是童謠
云。北馬飲江水。佛狸死卯年。故暢云然。暢音容雅麗。孝伯亦辯贍。且去。謂暢曰。長史深自愛。相去步武。恨不執

手。暢曰。君善自愛。冀盪定有期。君還宋朝。今為相識之始。

十二月。魏主引兵南下。攻盱眙。不克。進次瓜步。宋人戒嚴守江。

魏引兵南下。所過無不殘滅。城邑皆望風奔潰。建康纂

嚴。魏兵至淮上。宋主使將軍臧質將萬人救彭城。至盱

眙。魏主已過淮。質使臧澄之。熹之孫。毛熙祚。修之兄子。等營

東山前浦。俱在盱眙縣東南。而自營于城南。魏燕王譚。太武帝子。後改

封臨淮。攻之。皆敗沒。質軍亦潰。質棄輜重器械。單將七百

人赴城。盱眙太守沈璞。字道真。林開門納質。質見城中

豐實大喜。因與璞共守。初。璞到官。江淮無警。璞以郡當

矢。為城守之備。及魏兵南向。守宰多棄城走。或勸璞還建康。璞曰。虜若以城小不顧。夫復何懼。若肉薄來攻。此

乃吾報國之秋。諸君封侯之日也。奈何去之。諸君嘗見
數十萬人聚小城之下而不敗者乎。昆陽合肥。前事之
明驗也。衆心稍定。及臧質向城。衆皆勸璞勿受。璞歎曰。
同舟而濟。胡越一心。今兵多則虜退速。少則退緩。吾寧
可專功而留虜。魏人之南寇也。不齎糧用。惟以抄掠爲
資。及過淮。民多竄匿。抄掠無所得。人馬饑乏。聞盱眙有
積粟。欲以爲北歸之資。攻城不拔。卽留數千人守盱眙。
自帥大衆南向。由是盱眙得益完守備。魏主至瓜步。壞
民廬舍。及伐葦爲筏。聲言欲渡江。建康震懼。內外戒嚴。
命劉遵考等將兵分守津要。陳艦列營。周亘江濱。自采
石戍名。注見前。至于暨陽。晉縣。隋省。故城在今常州府江陰縣。六七百里。宋主
登石頭城。有憂色。謂吏部尚書江湛曰。北伐之計。同議
者少。今士民勞怨。不得無慙。貽大夫之憂。予之過也。又

曰檀道濟若在豈使胡馬至此。

魏及宋平。

魏主以橐駝名馬餉宋主。求和請婚。宋主亦餉以珍饈異味。魏主以其孫示使者曰。吾遠來至此。非欲爲功名。實欲繼好援。宋若能以女妻此孫。我以女妻武陵王。自今匹馬不復南顧。使還。宋主召羣臣議之。衆謂宜許。江湛曰。讐敵無親。許之無益。太子劭怒。謂湛曰。今三王在。詎宜苟執異議。聲色甚厲。坐散。劭又言于宋主曰。北伐敗辱。數州淪破。獨有斬江徐。可以謝天下。宋主曰。北伐自是吾意。江徐但不異爾由是太子與江徐不平。三王。謂江夏。武陵。南平也。魏亦竟不成婚。

御批歷代通鑑輯覽卷之三十八

南北朝

辛宋元嘉二十八年。魏春正月。魏師還。

正月朔。魏主大會羣臣于瓜步山上。班爵行賞有差。魏人緣江舉火。右衛率尹弘言于宋主曰。魏人如此。必走

明日。果掠居民。焚廬舍而去。是月。王元謨退還歷城。魏人復取碭磳。

宋主殺其弟義康。

初。胡藩之子誕世。反。據豫章。欲奉前彭城王義康為主。前交州刺史檀和之。道過豫章。擊斬之。江夏王義恭等奏義康數有怨言。搖動民聽。故不逞之族。因以生心。請徙義康廣州。宋主先遣使語之。義康曰。人生會死。吾豈

愛生必爲亂階。雖遠何益。請死于此。恥復屢遷。竟未及往。至是。魏師在瓜步。人情恐懼。宋主慮不逞之人復奉義康爲亂。太子劭及武陵王駿僕射何尚之屢啓。宜早爲之所。宋主乃遣中書舍人嚴龍就殺之。

魏主攻盱眙。宋將軍臧質拒之。魏師退走。二月。過彭城。宋人追之不及。

魏人攻盱眙。魏主就臧質求酒。質封漉便與之。魏主怒。築長圍。一夕而合。運東山土石以填塹。作浮橋于君山。

在盱眙縣東。

絕水陸道。

魏主遣質書。質復之。且寫臺格以示魏衆云。斬佛狸首。封萬戶。

北。亦名軍山。破城得質。當坐之。此上。以鈎車鈎城樓。城內繫以彊組。數百人唱呼引之。車不能退。旣夜。縋桶懸卒出。截其鈎。獲之。明日。又以衝車攻城。城上堅密。頽落不過數升。魏

魏師力屈退走而沈璞臧質不敢躡其後義恭復不敢邀其前南朝恒怯若此宜魏之往來如入無人之境也

人乃肉薄登城分番相代墮而復升。凡三旬。城不拔。會魏軍中多疾疫。或告以建康遣水軍自海入淮。又救彭城。斷其歸路。魏主乃燒攻具退走。盱眙人欲追之。沈璞曰。今兵不多。雖可固守。不可出戰。但整舟楫。示若欲北渡者。以速其走。不須實行也。臧質以璞城主。使之上露板。璞固辭。歸功于質。宋主聞。益嘉之。魏師過彭城。江夏王義恭震懼不敢擊。或告虜驅南口萬餘。去城數十里。追之可悉得。諸將皆請行。義恭不許。明日。驛使至。敕義恭悉力急追。魏師已遠。義恭乃遣司馬檀和之。向蕭城。魏人先聞之。盡殺所驅者而去。宋令民遭寇者。蠲其稅調。

魏人凡破南兗。

宋置。治廣陵。今揚州府是。

徐兗豫青冀六州。殺掠不

輕進易退固致敗之由交
戰曰時必待中詔實乖制
勝之道而將帥遲迴觀望
轉得藉以為口實欲以集
事難矣

可勝計。丁壯者即加斬截。嬰兒貫于槊上。盤舞以為戲。
所過郡縣。赤地無餘。春燕歸巢于林木。自是邑里蕭條。
元嘉之政衰矣。詔賑卹郡縣民遭寇者。蠲其稅。調降太
尉義恭為驃騎將軍。鎮軍將軍駿為北中郎將。宋主每
師常授以成律。交戰曰時亦待中詔。是以將帥趨起莫
敢自決。又江南白丁。輕進易退。此其所以敗也。然是役
魏之士馬死傷亦
過半。國人皆尤之。

三月。魏主還平城。

魏主飲至告廟。以降民五萬餘家。分置近畿。

夏四月。宋以何尚之為尚書令。徐湛之為僕射。

尚之以湛之國戚。任遇隆重。每事讓之。朝事悉歸湛之。

魏更定律令。

魏主命太子少傅游雅中書侍郎胡方回安定臨涇人等更

定律令增損凡三百九十一條

六月魏太子晃卒諡景穆

魏太子晃監國頗信任左右營園田收其利高允切諫

畧曰天地無私故能覆載王者無私故能容養今殿下國之儲貳萬方所則而營立私田畜養雞犬乃至酤販市廛與民爭利謗聲流布不可追掩夫天下者殿下之天下富有四海何求而無乃與販夫販婦競此尺寸之利乎東宮儻父不少頃來侍御左右者恐非在朝之選願殿下斥去邪佞親近忠良所在田園分給貧下販賣之物以時收散如此則不聽太子為政精察而中常侍休聲日至謗議可除矣

宗愛性險暴多不法晃惡之給事中仇尼複姓道盛有

寵于晃與愛不協愛恐為所糾遂搆其罪魏主怒斬道

盛于都街東宮官屬多坐死晃以憂卒魏主徐知其無罪悔之欲封其

元謨退敗當問其致敗之由敵強盡力不得已而敗雖不罪之可也敵弱而已望風先逃即應斬之以徇於衆豈可以衆人懼罪聊爲調停當時紀律尚可問耶

子濬爲高陽王。旣而以皇孫世嫡。不當爲藩王。乃止。時濬年十二。聰達過人。魏主愛之。常置左右。考魏書文成帝紀。帝生于真君元年六月。至是應年十二。通鑑作時濬生四年。綱目因之。恐是誤筆。今依魏書改正。秋。宋青冀刺史蕭斌將軍王元謨以罪免。

坐退敗也。宋主問沈慶之曰。斌欲斬元謨而卿止之。何也。對曰。諸將奔退。莫不懼罪。自歸而死。將至逃散。故止之。

宋魏復通好。

宋主遣使至魏。魏遣殿中將軍郎法祐來修好。

宋以王僧綽曇首之子爲侍中。

僧綽幼有大成之度。衆皆以國器許之。好學有思理。練悉朝典。爲吏部郎。諳悉人物。舉拔咸得其分。及爲侍中。

年二十九。沈深有局度。不以才能高人。宋主以其年少。欲以後事托之。朝政大小。皆與參焉。

壬宋元嘉二十九年。魏高春二月。魏中常侍宗愛弒其君

辰宗文成帝濬興安元年。燾而立南安王余。

魏主追悼景穆太子不已。宗愛懼誅。弒之。諡曰太武皇帝。廟號世祖。

僕射蘭延。魏北方諸姓烏落蘭氏。後改爲蘭氏。和正。通作雅。薛提。太原人。等秘

不發喪。延正以濬冲幼。欲立長君。徵秦王翰。置之秘室。

提以濬嫡孫不可廢。議久不決。宗愛自以得罪太子。而

素惡翰。善南安王余。翰余皆太武帝之子。乃密迎余。矯皇后令。召

延等。而使宦者持兵伏禁中。以次收縛。斬之。殺翰立余。

余以愛爲大司馬大將軍。

宗愛罪不容誅而拓跋余德其迎立之謀。忘討賊之義。竟以爲大司馬。是亦亂臣賊子而已。不旋踵而禍及可見。天譴昭然不爽。

夏五月宋人侵魏

先是魯軌之子爽小字爽及其弟秀小字秀自魏奔宋軌初

奔秦秦亡復奔魏魏太宗以軌為襄陽公鎮長社軌常

思南歸未果會卒爽襲父爵與其弟秀俱有寵于魏世

祖既而有罪懼誅遂帥部眾千餘家請降于宋軌奔秦事具前宋主以爽為司州刺

史鎮襄陽宋郡倚置司州于此故秀為潁川太守至是

宋主聞魏世祖殂更謀北伐爽等復勸之太子中庶子

何偃字仲弘尚以為淮泗數州瘡痍未復不宜輕動不

從遣蕭思話督張永字景雲茂度子等向碭礧魯爽魯秀程天

祚將荊州甲士四萬出許洛雍州刺史臧質帥所領趣

潼關沈慶之固諫北伐宋主不使行青州刺史劉興祖

上言河南阻饑野無所掠脫諸城固守非旬月可

拔稽留大眾轉輸方勞應機乘勢事存急速今偽帥始

死兼通暑時國內猜擾不服遠赴恩謂宜長驅中山據

石隱岩栖處士虛聲之爲耳。旣爲大臣致仕後，豈宜徇名高尚乎？然尚之旣居山矣，旋復視事，則所謂矯誣熱中進退無據，宜袁淑譏之。

其關要。冀州以北，民人尚豐，兼麥已刈熟，因資爲易。若中州震動，黃河以南，自當消潰。臣請發青冀兵入其心腹。若前驅克勝，則衆軍宜一時濟河，使聲實兼舉，並建司牧。撫柔初附，西拒太行，北塞軍都，因事指揮，隨宜加授。若能成功，清壹可待。若不克捷，不爲大傷。宋主意止存河南，亦不從。軍都，漢後魏改昌平，今爲州，屬順天府。州西北有山，曰軍都，爲太行第八陁，卽居庸關也。又使侍郎徐爰，字長玉，南琅邪，開陽人，隨軍向碯礪，銜中旨授諸將方畧，臨時宣示。

宋尚書令何尚之致仕，尋復起之。

尚之以老請致仕，退居方山。

在江寧府上元縣東南，寰宇記其山四面等方，故名。

議者咸謂尚之不能固志。旣而詔書敦諭數四，果起視事。袁淑錄自古隱士有迹無名者，爲真隱傳，以嗤之。

宋太子劭始興王濬，巫蠱事覺，赦不誅。

初，潘淑妃生濬，元皇后恚恨而殂。淑妃專總內政，由是

履霜堅冰義經早著烟戒
初濬逆亂顯著更無疑義
乃始則置而弗問繼復機
事不密是直白囊算弒耳
豈特坐昧先幾真是貽誚
千古

太子劭深惡淑妃及濬。濬懼曲意事劭。劭更與之善。吳

興巫嚴道育也。

女巫

自言能役使鬼物。因東陽公主婢王

鸚鵡出入主家。主與劭濬信惑之。劭濬多過失。數為宋

主所詰責。使道育祈請。

欲令過不上聞。道育曰。我已為上天陳請。必不泄露。劭等敬事

之。號曰

後遂與道育鸚鵡及主奴陳天與黃門陳慶國

共為巫蠱。琢玉為宋主形像。埋于含章殿前。已而慶國

白其事。

劭補天與為隊主。宋主聞之。讓劭曰。汝所用隊主副。並是奴耶。劭懼。以書告濬。濬復書曰。彼人

若所為不已。正可促其餘命。或是大慶之漸耳。劭濬相與往來書疏。常謂宋主為彼人。或曰其人鸚鵡先與天

與私通。東陽公主卒。出嫁濬府佐沈懷遠為妾。恐事泄。白劭密殺天與。慶國懼。曰。巫蠱事。惟我與天與。宣傳往

來。今天與死。吾其殆哉。

宋主大驚。即遣收鸚鵡。封籍其

家。得劭濬書及所埋玉人。命有司窮治其事。道育亡命。

捕之不獲。宋主惋歎彌日。謂潘淑妃曰。太子圖富貴。更

慮所及。汝母子豈可一日無我耶。虎頭濬小字。遣中使切責劭。濬惶懼。

陳謝。宋主雖怒甚。猶未忍罪也。

秋八月。宋攻碻礫。不克而退。雍州兵至虎牢。亦還。

諸軍攻碻礫累旬不拔。八月。魏人夜自地道潛出燒營。

張永撤圍夜遁。不告諸將。士卒驚擾。魏人乘之。死傷塗

地。蕭思話自往增兵力攻。不克。以軍乏食。退屯歷城。魯

爽至長社。魏戍主棄城走。臧質遣司馬柳元景帥參軍

薛安都向潼關。梁州刺史劉秀之遣參軍蕭道成字紹伯

字鬬將。承等將兵向長安。胡三省曰。蕭道成始見此。九月。魯爽與魏

拓跋僕蘭戰于大索。城名。今開封府滎陽縣治是。括地志。滎陽縣。即大索城。又有小索城。

北。在縣。破之。進攻虎牢。聞礪礪敗退。與元景等皆引還。

冬十月。魏宗愛弑其君余。魏主濬立。

是為文成帝。

討愛。誅之。

魏南安王余。自以違次而立。厚賜羣下。欲以收衆心。旬月之間。府藏虛竭。又好酣飲。及聲樂畋獵。不恤政事。宗愛為宰相。錄三省。總宿衛。坐召公卿。專恣日甚。余患之。謀奪其權。愛憤怒。余以十月朔夜祭東廟。愛使小黃門賈周等。就弑而秘之。唯羽林郎中劉尼。代人。知之。勸愛立皇孫濬。愛驚曰。君大癡人。皇孫若立。豈忘正平時事乎。景穆太子之死。在真君十二年。是年六月。改元正平。尼恐愛為變。密告殿中尚書源賀。賀時與尼俱典兵宿衛。乃與尚書陸麗。侯之子。謀曰。宗愛既立南安。還復殺之。今又不立皇孫。將不利于

社稷。遂定謀共立濬。賀與尚書長孫渴侯嚴兵守衛。使
尼麗迎濬于苑中。尼馳還東廟大呼宗愛弑南安王。大
逆不道。皇孫已登大位。有詔宿衛之士皆還宮。衆咸呼
萬歲。遂執宗愛。賈周等勒兵入奉皇孫卽位。殺愛。周具
五刑。夷三族。追尊景穆太子爲皇帝。廟號恭宗立乳母常氏
爲保太后。

魏復建佛圖。聽民出家。

魏世祖晚年。佛禁稍弛。民間往往有私習者。至是羣臣
多請復之。乃詔州郡縣各聽建佛圖一區。民欲爲沙門
者聽出家。大州五十人。小州四十人。于是向之所毀率皆修復。魏主
親爲沙門下髮。

王者不可私人以官錄敘
酬功非禮也陸麗源賀辭
讓一再可謂能見其大足
愧當時之懷私希寵利者

魏以周忸為太尉。陸麗為司徒。杜元寶魏郡鄴人。明元密皇后從弟遺之子。為司空。忸尋坐事賜死。

麗以迎立之功。受心膂之寄。朝臣無出其右者。賜爵平

原王。麗辭曰。陛下國家之正統。當承基緒。效順奉迎。臣

臣父奉事先朝。忠勤著效。今年逼桑榆。願以臣爵授之。

魏主曰。朕豈不能使卿父子為二王耶。乃進其父建業

公侯爵為班賜羣臣。謂源賀曰。卿任意取之。賀辭曰。南

北未賓。府庫不可虛。固與之。乃取戎馬一匹。已而忸坐

事死。明年。元寶亦以謀反誅。時魏法深峻。賀奏謀反之

家。男子十三以下。本不預謀者。宜免死。沒官。從之。

魏用元始歷。初。魏入中原。用景初歷。楊偉所造。世祖克沮渠氏。得趙陲。音

元始歷。時人以為密。是歲始行之。

尚之受勅司空大節掃地
較長樂老無廉耻爲尤甚
直非人類耳

癸宋元嘉三十年。春正月。宋以始興王濬爲荊州刺史。

初。濬以南徐刺史鎮京口。求爲荊州。宋主許之。濬還京口治行。而巫蠱事覺。宋主怒未解。故濬久留京口。旣除荊州。乃聽入朝。

二月。宋太子劭弒其君義隆。及其左衛率袁淑。僕射徐湛之。尚書江湛。而自立。以何尚之爲司空。

宋主欲廢太子劭。賜濬死。先與王僧綽謀之。使尋漢魏典故。南平王鑠妃。江湛之妹。隨王誕妃。徐湛之之女。湛勸立鑠。湛之欲立誕。僧綽曰。建立之事。仰由聖懷。臣謂唯宜速斷。不可稽緩。當斷不斷。反受其亂。願以義割恩。畧小不忍。不爾。便應坦懷如初。無煩疑論。事機雖密。易

袁淑一聞劾言始則諷以疾勸力叱羣邪繼則明以禍至正言折亂謀可謂

致宣廣。不可使難生慮表。取笑千載。宋主曰。卿可謂能斷大事。然此事至重。不可不慙懃三思。且彭城始亡。人將謂我無復慈愛之道。僧綽曰。臣恐千載之後。言陛下唯能裁弟。不能裁兒。宋主默然。議久不決。與湛之屏人語。或連日累夕。常使湛之自秉燭繞壁。慮有竊聽者。既而以其謀告潘淑妃。妃以告濬。濬馳報劭。劭乃謀為逆。詐為詔。豫加部勒。云有所討。夜呼前中庶子蕭斌。左衛率袁淑。中舍人殷仲素入宮。流涕曰。主上信讒。將見罪廢。內省無過。不能受枉。明日當行大事。望相與戮力。因起徧拜之。衆驚愕。莫能對。淑斌皆曰。自古無此。願加善奉令。淑叱之曰。卿便謂殿下真有是邪。殿下幼嘗患風。今疾勸耳。劭愈怒。因呼淑曰。事當克否。淑曰。居不疑之

然大義不愧純臣。然使彼時卽舉發其事。或當不至決裂。乃猶豫不決。終夜繞牀。欲何爲哉。幸以身殉。不然南史之誅不能逃矣。

地何患不克。但旣克之後。不爲天地所容。大禍亦旋至耳。假有此謀。猶將可息。左右引淑出曰。此何事而云可罷乎。淑還省。繞牀。明日宮門未開。劭以朱衣加戎服上。行至四更乃寢。乘畫輪車。與蕭斌同載。呼袁淑甚急。淑眠不起。劭停車催之。淑徐至。劭使登車。辭不上。乃殺之。門開而入。舊制東宮隊不得入城。劭以僞詔示門衛曰。受敕有所收討。令後隊速來。張超之等馳入齋閣。拔刃徑上合殿。其夜宋主與徐湛之屏人語。至旦燭猶未滅。見超之入。舉几捍之。五指皆落。遂弑之。湛之驚起。兵入殺之。江湛聞喧譟聲。歎曰。不用王僧綽言。以至于此。劭遣兵殺之。左細卜天與不暇被甲。執刃持弓。疾呼左右出戰。射劭幾中。劭黨擊之。斷臂而死。隊將張泓之。朱道欽。陳滿。俱戰死。劭使人殺潘淑妃及太祖親信數十人。濬時在西州府聞臺內喧噪。不知事之濟否。騷擾不知所爲。俄而劭馳

召濬屏人問狀。卽戎服乘馬而去。入見劭。劭曰。潘淑妃遂爲亂兵所害。濬曰。此是下情由來所願。卜天與吳

興餘。劭詐以詔召大將軍義恭。尚書令何尚之。入拘于

內。並召百官。至者纔數十人。劭遽卽位。下詔曰。徐湛之

江湛弑逆無道。吾勒兵入殿。已無所及。今罪人斯得。可

大赦。收元太初。卽稱疾還永福省。不敢臨喪。以白刃自

守。以蕭斌爲僕射。何尚之爲司空。劭不知王僧綽之謀。

以爲吏部尚書。時武陵王駿方討西陽蠻。屯五洲。沈慶

建康至五洲。具言太子弑逆。沈慶之密謂腹心曰。蕭斌

婦人。其餘將帥皆易與耳。東宮同惡。不過三十人。此外

屈逼。必不爲用。今附順討逆。不憂不濟也。西陽宋郡

今湖北黃州府是。五洲在黃州府蘄水縣大江中。巴水

州府羅田縣入江。

宋劭殺其吏部尚書王僧綽。

僧綽既贊謀廢劭齋閣之變。力圖討賊。即引身殉節。再無二義。乃隱忍受官。旋即見殺。有愧袁淑諸人多矣。

劭料檢文帝中箱及江湛家書疏。得王僧綽所啟前代

故事。

即所上廢太子諸王典故。

乃收殺之。僧綽弟僧虔為司徒屬所親咸勸之逃。僧虔泣曰。吾

兄奉國以忠貞撫我以慈愛。今日之事。苦不見及耳。若得同歸九泉。猶羽化也。

謀反殺之。

北第諸侯王列第于臺城北。故云。

夏四月。宋江州刺史武陵王駿舉兵討劭。宋人立駿。

是為孝武

帝。五月。劭及弟濬皆伏誅。

劭密與沈慶之手書。令弑武陵王駿。慶之求見駿。駿懼。

辭以疾。慶之突入。以劭書示駿。駿泣求入與母訣。慶之

曰。下官受先帝厚恩。今日之事。唯力是視。殿下何見疑

之深。駿起再拜曰。國家安危。皆在將軍。慶之即命內外

勒兵。旬日之間。內外整辦。人以為神兵。駿以慶之領府

司馬。柳元景宗慤。朱修之皆為參佐。顏竣領錄事。總內

外。以劉延孫

道產之子。

為長史。行留府事。荊州刺史。南譙王

義宣。雍州刺史臧質。同舉兵以應竣。竣至尋陽。命顏竣

移檄四方。州郡響應。劭自謂素習武事。及聞四方兵起。

始憂懼戒嚴。四月。柳元景統薛安都等十二軍。發湓口。

駿發尋陽。沈慶之總中軍以從。

檄至建康。劭以示太常。顏延之曰。彼誰筆也。延

之曰。竣之筆也。劭曰。何至于此。延之曰。彼誰筆也。延

竣尚不顧老臣。安能顧陛下。劭怒稍解。劭疑舊臣不為

已用。乃厚撫魯秀。王羅漢。以軍事委之。以蕭斌為謀主。

殷冲掌文符。

蕭斌勸劭勒水軍。自上決戰。不爾則保據

不利。水戰勸劭養銳待期。劭善之。斌厲色曰。南中郎二

十年少。能建如此大事。豈復可量。三方同惡。勢據上流。沈慶之甚練軍事。元景宗慤屢嘗立功。形勢如此。實非小敵。唯宜及人情未離。尚可決力一戰。端坐臺城。何由

顏竣初奉孝武討逆時出
八卧内翊衛起居頗似謹
密者何以貴顯之後頓爾
廢者卒致禍逮妻孥可謂

得久。劭不聽。或勸劭保石頭城。劭曰。昔人所以固石頭
城者。俟諸侯勤王耳。我若守此。誰當見救。唯應力戰決
之。不然不克。梁山太尉司馬龐秀之。河南白石頭先
即天門山。注見前

衆南奔。人情由是大震。駿軍于鵲頭。山名。在江南池州府銅陵縣北。元和

志。卽春秋鵲岸。沿流有宣城太守王僧達。弘之自侯道
鵲尾洲。六朝屯兵處。

南奔駿。卽以爲長史。駿初發尋陽。沈慶之謂人曰。王僧

見其在先帝前。議論開張。執意明決。以此言之。其至必也。柳元景以舟艦不堅。憚于

水戰。乃倍道兼行。至江寧步上。使薛安都帥鐵騎耀兵

于淮上。秦淮水移書朝士。爲陳逆順。降者相屬。駿自發

疾不能見將佐。唯顏竣出入卧内。擁駿于膝。親視起居。

疾屢危篤。不任咨稟。竣皆專決。軍政之外。間以文敎書
檄。應接遐邇。皆曉臨哭。若出一人。如元景潛至新亭。依

是累旬。軍中皆不知駿之危疾也。山爲壘。劭使蕭斌等分統水陸精兵萬人。攻新亭壘。劭

自登朱雀門督戰。元景令軍中銜枚疾戰。一聽鼓聲。劭將士懷劭重賞。皆殊死戰。元景水陸受敵。意氣彌彊。麾下勇士悉遣出鬪。劭兵垂克。魯秀擊退鼓。劭衆遽止。元景乃開壘鼓譟以乘之。劭衆大潰。劭僅以身免。魯秀南奔。駿至江寧。江夏王義恭單騎南奔。上表勸進。駿遂卽位于新亭。改諡太祖曰文。廟號太祖。劭初葬太祖。諡曰景。廟號中宗。尊母路氏爲皇太后。立妃王氏爲皇后。封拜義恭以下有差。劭緣淮樹柵自守。男丁旣盡。召婦女供役。魯秀等募勇士攻大航。克之。王羅漢卽放仗降。城中沸亂。文武將吏爭踰城出降。蕭斌令所統皆解甲。自石頭戴白幡來降。詔斬于軍門。諸軍遂克臺城。張超之走至合殿御牀。

之所爲軍士所殺。剝腸割心。諸將皆齧其肉。生噉之。劭入武庫井中。隊副高禽執之。臧質見之慟哭。劭曰。天地所不覆載。丈人何爲見哭。質縛劭于馬上。防送軍門。時不見傳國璽。問劭曰。在嚴道育處。道育匿于劭所。就取得之。斬劭及四子于牙下。濬帥左右南走。江夏王義恭斬之。及其三子。劭濬父子首並梟于大航。暴尸于市。汙瀦劭所居齋。嚴道育。王鸚鵡並都街鞭殺。焚尸揚灰于江。殷冲。尹弘。王羅漢及沈璞皆伏誅。璞守于湖。坐不迎義師誅。贈袁淑爲太尉。_{諡忠憲}徐湛之爲司空。_{諡忠烈}江湛爲開府儀同三司。_{諡忠簡}王僧綽爲金紫光祿大夫。_{諡簡侯}卜天與益州刺史。_{諡壯侯}與淑等四家長給廩祿。

宋復以何尚之爲尚書令。

尚之自劾敗後。左右皆散。自洗

通作酒。

黃閣。

舊制三公聽事置黃閣。自

洗躬親洒掃也。

宋主以尚之及其子偃。素有令譽。故特免之。復

以尚之爲尚書令。偃爲大司馬長史。任遇無改。

秋七月辛酉朔日食。

宋主詔求直言。省細作。並尚方雕文塗飾。貴戚競利。悉

皆禁絕。中軍錄事參軍周朗。

字義利。汝南安成人。

上疏陳述得失。

畧曰。毒之在體。必割其緩處。今歷下。泗間。空守孤城。徒費財役。使虜但發輕騎三千。更互出入。于賊不勞而邊已困。不至二年。卒散民盡。可躋足而待也。今人知不以羊追狼。蟹捕鼠。而令重車弱卒。與肥馬悍虜相逐。其不能濟固宜矣。又二年之喪。天下之達喪。漢氏節其臣則可矣。薄其子則亂也。今陛下以大孝始基。宜返斯謬。又舉天下以奉一君。何患不給。一體炫金。不及白雨。一歲美衣。不過數襲。而必收寶連犢。集服累笥。目豈常視身。

未時親。是櫝帶寶。箭著衣也。何縻蠹之劇。惑鄙之甚耶。
且細作始并。以為儉節。而市造華怪。即傳于民。如此則
遷也。非罷也。凡厥庶民。制度日侈。見車馬不辨貴賤。視
冠服不知尊卑。尚方今造一物。小民明已。瞬晚宮中朝
制一衣。庶家晚已。裁學侈麗之源。實先宮闈。又設官者
宜官。稱事立人。稱官置王侯。識未堪務。不應強仕。且帝
子未官。人誰謂賤。但宜詳置賓友。茂擇正人。亦何必列
長史參軍。別駕從事。然後為貴哉。又俗好以毀沉人。不
知察其所以致毀。以譽進人。不知測其所以致譽。毀徒
皆鄙。則遭毀者宜擢。譽黨悉庸。則得譽者宜退。如此則
毀譽不妄。善惡分矣。凡無世不有言事。無時不有下書
令。然升平不至。昏亂相繼。何哉。設令之本。非實故也。書

宋主殺其弟南平王鐸

鐸素負才能。常輕宋主。宋主潛使人毒之。武昌王渾亦

與左右作檄文。自號楚王。改元永光。以為戲笑。長史封

上之。廢為庶人。逼令自殺。時年十七。渾字休深。文帝

甲宋世祖孝武帝駿孝午建元年魏興光元年春正月宋立子業爲太子。

將置東宮省率更令餘各減舊員之半。

二月宋江州刺史臧質以南郡王義宣舉兵反夏宋主遣兵討質誅之。

初江州刺史臧質自謂人才足爲一世英雄太子劭之亂潛有異圖以荊州刺史南郡王義宣庸闇易制欲外相推奉因而覆之劭旣誅義宣與質功皆第一由是驕恣事多專行宋主方自攬威權而質以少主遇之政刑慶賞一不咨稟宋主淫義宣諸女義宣恨怒質乃遣密信說義宣義宣以豫州刺史魯爽有勇力素與相結至是密使人報之及兗州刺史徐遺寶期以今秋舉兵使

者至壽陽。爽方飲醉。失義宣指。卽日舉兵。竊造法服登壇。遺寶亦勒兵向彭城。義宣聞爽已反。狼狽舉兵與質俱表欲誅君側之惡。爽送所造輿服詣江陵。使征北府戶曹板義宣等。文曰。丞相劉今補天子。名義宣。車騎臧今補丞相。名質。皆板到奉行。義宣駭愕。召司州刺史魯秀。欲使爲後繼。秀見義宣出拊膺曰。吾兄悞我。乃與癡人作賊。今年敗矣。義宣兼荆江兗豫四州之力。威震

遠近。宋主欲奉乘輿法物迎之。竟陵王誕固執不可。曰。奈何持此座與人。乃以柳元景主元謨統諸將討之。進據梁山洲。三月。義宣移檄州郡。雍州刺史朱修之僞許之。而陳誠于宋主。義宣帥衆十萬發江津。以子悛與竺超民留鎮江陵。義宣至尋陽。以質爲前鋒。爽亦引兵趣歷陽。與質水陸俱下。爽旋爲沈慶之所殺。徐遺寶亦走

死。義宣至鵲頭。慶之送爽首示之。爽累世將家。驍猛善

戰。號萬人敵。義宣與質由是駭懼。

太傅義恭與義宣書曰。賊質少無美行。弟

所具悉。今藉西楚之彊力。圖濟其私。凶謀若果。恐非池中物也。義宣由此疑之。宋主使元景進

屯姑孰。質遣將攻陷梁山。西壘。王元謨使告急于元景。

欲退還姑孰。元景乃留羸弱自守。悉遣精兵助元謨。多

張旗幟。梁山望之如數萬人。皆以為建康兵悉至。衆心

乃安。質請自攻東城。義宣乃遣劉湛之與質俱進。頓兵

西岸。元謨督諸軍大戰。薛安都帥突騎衝陳陷之。斬湛

之。質等大敗。義宣兵潰。單舸迸走。閉戶而泣。質不知所

為。亦走。其衆皆降散。質逃于南湖。

在湖北武昌府武昌縣南。一名五丈湖。輿

地紀勝。臧質逃入南湖。以荷自蔽。即此。

追斬其首。送建康。子孫皆棄市。魯

秀赴水死。就取其首。義宣走向江陵。衆散且盡。尋爲朱修之所殺。並誅其子十六人。及同黨竺超民等。

宋置東揚州。郢州。

初。晉氏南遷。以揚州爲京畿。穀帛所資出焉。以荆江爲重鎮。甲兵所聚在焉。三州戶口。居江南之半。至是。宋主

惡其疆大。乃分揚州。浙東五郡置東揚州。治會稽。分荆

湘江。豫州之八郡置郢州。治江夏。宋江夏郡治夏口城。在今武昌府西黃鵠

山上。今武昌府治之江。夏縣。隋所置。罷南蠻校尉。治方城。在今荆州府江陵縣東。水經注。南蠻府

在方城東。屯營相接。是也。遷其營于建康。荆揚由此虛耗。既而宋主

言。移青冀二州并鎮歷城。又以王元謨言。并雍州。僑郡

爲一郡。青冀。宋青州本治東陽。冀州治歷城。後移青

州并治歷城。東陽注見前。雍州。晉太元中。置雍州于襄陽。宋齊梁皆因之。西魏改曰襄州。今襄陽府是。僑郡。晉

僑置京兆扶風等郡皆寄治襄陽

宋省錄尚書事官。

宋主惡宗室彊盛。不欲權在臣下。太傅義恭知其指。故請省之。

秋七月丙申朔日食。

乙未宋孝建二年春。宋鎮北大將軍沈慶之罷就第。

慶之請老。表數十上。詔聽以始興公就第。頃之宋主復欲用慶之。使

何尚之往起之。慶之笑曰。沈公不效何公往而復返。尚之慙而止。

冬十月。宋裁損王侯制度。

宋主欲削弱王侯。江夏王義恭等奏裁損王侯車服器用。樂舞制度。凡九事。宋主因諷有司奏。增廣為二十四。

微尾大不掉之患。自有恩義。兩全之道。乃僅於儀服。度數重示裁抑。所為不揣其本。卒致逆釁相尋耳。

條。聽事不得南向坐。施帳。劍不得爲鹿盧形。晉灼曰。古

玉作井。鹿盧形。內史相及封內官長。止稱下官。不得稱臣。罷官

則不復追敬。詔可。

丙申。宋孝建三年。魏太安二年。春正月。魏立貴人馮氏爲后。

后父朗。故燕主弘之庶子也。魏世祖攻燕。朗與其兄崇

叛降魏。爲秦雍二州刺史。遼西郡公。崇封遼西王。已而坐事

誅。后没入宮。至是以貴人立爲后。

二月。魏主立其子弘爲太子。

是時弘生三年矣。先使其母李貴人。條記所付托兄弟。

然後依故事賜死。

宋以宗慤爲豫州刺史。

故事。府州部內論事。皆籤前直敘所論之事。置典籤以主之。宋諸王子爲方鎮者多幼。時主皆以親近左右領典籤。至是。雖長王臨藩。素族出鎮。典籤皆出納教命。刺史不得專其職。及愨爲豫州。吳喜臨安人爲典籤。每多違執。愨大怒曰。宗愨年將六十。爲國竭命。正得一州如斗大。不能復與典籤共臨之。喜稽顙流血乃止。

秋七月。宋以西陽王子尚

字孝思。宋主第二子。後改封豫章王。

爲揚州刺史。

太傅義恭以宋主之子子尚有寵。將避之。乃辭揚州。而

宋主以子尚爲刺史。

時熒惑守南斗。宋主廢西州舊館。使子尚移治東城。以厭之。別駕沈

懷文曰。天道示變。宜應之以德。雖空西州。恐無益也。不從。

沈懷文。字思明。武康人。

冬十一月。魏以源賀爲冀州刺史。

賀上言。今北敵遊魂。南寇負險。疆場之間。猶須防戍。自非大逆赤手殺人。其坐贓盜。及過誤應入死者。皆可原宥。謫使守邊。則已斷之體。受更生之恩。徭役之家。蒙休息之惠。魏主從之。久之。謂羣臣曰。吾用賀言。一歲所活不少。增兵亦多。卿等人人如賀。朕何憂哉。會人告賀謀反。魏主曰。賀竭誠事國。朕爲卿等保之。訊驗果誣。乃誅告者。因謂左右曰。以賀忠誠。猶不免誣謗。不及賀者。可無慎哉。

十二月。宋金紫光祿大夫顏延之卒。

延之子竣。貴重。凡所資供。延之一無所受。布衣茅屋。蕭然如故。常乘羸牛笨車。逢竣鹵簿。卽屏住道側。常謂竣曰。吾平生不喜見要人。今不幸見汝。竣起宅。延之謂曰。善爲之。無令後人笑汝拙也。延之嘗早詣竣。見賓客盈。

門竣尚未起。延之怒曰：「汝出糞土之中，升雲霞之上，遽

驕傲如此，其能久乎？」

竣丁父憂，裁踰月，起為右將軍、丹陽尹如故。竣固辭，表十上不許。遣

中書舍人抱竣登車，載之郡舍，賜以布衣一襲。絮以綵綸，遣主衣就衣諸體。

綸似絮而細，絮以綵綸，以彩色

主衣尚衣奉御之官。

丁未大明元年春正月，魏侵宋，入兗州。

魏人侵宋，敗東平太守劉胡。

南陽人。

宋主遣薛安都、沈法

系禦之，並受徐州刺史、申坦節度。比至，魏兵已去。先是，

羣盜聚任城。

注見前。

荆榛中，累世為患，謂之任榛。坦請回

軍討之，無功而還。安都法系坐白衣領職，坦當誅。羣臣

為請，莫能得。沈慶之抱坦哭于市曰：「汝無罪而死，我行

當就汝矣。」有司以聞，乃免之。

秋八月。宋以竟陵王誕爲南兗州刺史。劉延孫爲南徐州刺史。

初。高祖遺詔。以京口要地。非宗室近親。不得居之。延孫之先。雖與高祖同源。而從來不序昭穆。宋主旣命延孫鎮京口。仍詔與合族。宋主閨門無禮。不辨親疎尊卑。流聞民間。無所不至。誕寬而有禮。誅劭及義宣。皆有大功。人心竊向之。誕多聚才力之士。蓄精甲利兵。宋主畏忌之。不欲誕居中。使出鎮京口。猶嫌其逼。更徙于廣陵。以延孫腹心之臣。故使鎮京口以防之。

戊宋大明二年。春正月。魏設酒禁。置候官。

戊魏太安四年。魏主以士民多因酒致鬪。故設酒禁。釀酤飲者皆斬。吉

凶之會。聽開禁有程日。增置候官。伺察諸曹。及州鎮。或微服雜亂于府寺間。以求百官過失。有司窮治。訊掠取服。百官臧滿二丈。皆斬。又增律七十九章。

二月。魏以高允爲中書令。

允好切諫。事有不便。輒求見。魏主屏左右待之。或自朝至暮。或連日不出。語或痛切。魏主不忍聞。命左右扶出。

然終善遇之。

時有上事爲激訐者。魏主謂羣臣曰。君父

室屏處諫者。豈非不欲其父之惡。彰于外邪。至于事君。何獨不然。君有得失。不能面陳。而上表顯諫。欲以彰君之短。明已之直。此豈忠臣所爲乎。如高允者。乃忠臣也。朕有過。未嘗不面言。朕聞其過。而天下不知。可不謂忠乎。

允所與同徵者游雅等。皆至大官封侯。而允爲郎。二十七年。不徙官。魏主謂羣臣曰。汝等雖執弓刀。在朕左

右未嘗有一言規正。唯伺朕喜悅。所官乞爵。今皆無功。

而至王公。允執筆佐國家數十年。為益不小。不過為郎。

汝等不白愧乎。乃拜允中書令。時魏百官無祿。允常使諸子樵採自給。司徒陸

麗曰。高允雖蒙寵待。而家貧。妻子不立。魏主曰。公何不先言。今見朕用之。乃言其貧乎。即日至允第。唯草屋數

間。布被繻袍。厨中鹽菜而已。魏主嘆息。賜以帛粟。拜其長子悅為長樂太守。允固辭不許。魏主重允。常呼為令

公。而不名。游雅常曰。前史稱卓子康。劉文饒之為人。褊心者。或不之信。余與高子游處四十年。未嘗見其喜慍

之色。乃知古人為不誣耳。高子內文明而外柔順。言呐呐。不能出口。昔崔司徒嘗謂余云。高生豐才博學。一代

佳士。所乏者矯矯風節耳。余亦以為然。及司徒得罪。詔旨臨責。聲嘶股栗。高子獨敷陳事理。辭義清辨。人主為

之動容。非所謂矯矯者乎。宗愛用事。威振四海。王公以下。趨庭望拜。高子獨升階長揖。此非所謂風節者乎。夫

人固未易知。吾既失之于心。崔又漏之于外。此乃管仲所以致慟于鮑叔也。

夏六月。宋以謝莊字希逸。密之子。顧覲之。字偉仁。吳縣人。為吏部尚書。

宋主不欲權在臣下。分吏部尚書置二人以謝莊。顧覲之爲之初。晉世散騎常侍。選望甚重。其後職任閑散。用人漸輕。宋主欲重其選。乃用當世名士孔顗。王彧。字景文。球從子。爲之。侍中蔡興宗。廓之子曰。選曹要重。常侍閒淡。改之以名而不以實。雖爲重輕。人心豈可變耶。後竟如其言。秋八月。宋殺其中書令王僧達。

僧達幼聰警能文。而跌蕩不拘。宋主初立。擢爲僕射。自負才地。一二年間。卽望宰相。旣而下遷。再被彈削。僧達耻怨。所上表奏。辭旨抑揚。又好非議朝政。宋主已積憤。怒。路太后兄子嘗詣僧達。升其榻。僧達令昇。羊茹反。棄對舉也。之。太后兄慶之。常爲王氏門下騶。故僧達麾其子。太后大怒。固邀宋主。令必殺

僧達會南彭城

晉南渡後僑立南彭城郡于晉陵界

民高闡與沙門曇標

等謀反伏誅

高闡曇標與殿中將軍苗允等謀作亂立闡為帝事覺伏誅

宋主因誣

僧達與闡通謀賜死

魏侵宋清口

此汶水合濟之口水經注濟水逕安民亭西汶水東北來注之所謂清口也安民亭在

泰安府東平州西南

宋青冀刺史顏師伯

字長深族兄連戰破之

宋積射將軍殷孝祖

陳郡長平人美之曾孫

築兩城于清水之東

魏鎮西將軍封敕文

代人

攻之清口戍主傅乾愛拒破

之宋主遣虎賁主龐孟蚪救清口顏師伯遣參軍苟思

達助之敗魏兵于沙溝

亦曰中川水水經注中川水逕盧縣故城東北入濟俗謂之沙

溝水盧縣故城在濟南府長清縣

宋主又遣司空參軍卜天生

天與弟等

會傅乾愛共擊魏兵屢破之斬魏將數人魏征西將軍

皮豹子將兵三萬寇青州。師伯與戰。將軍焦度南安氏人刺

豹子墜馬。幾獲之。

宋以戴法興會稽山陰人戴明寶南東海丹徒人巢尚之魯郡人為中書

舍人。

初宋主在江州。戴法興戴明寶蔡閑為典籤。及即位。皆

以為南臺御史臺謂之南臺侍御史。兼中書通事舍人。是歲。並

以初舉兵預密謀。賜爵縣男。閑已卒。追賜之。時宋主親覽朝政。

不任大臣。而腹心耳目。不得無所委寄。法興頗知古今。

素見親待。巢尚之。人士之末。涉獵文史。亦為中書通事

舍人。凡選授遷徙。誅賞大處分。宋主皆與法興尚之參

懷。胡三省註。宋齊之間。凡參決機務。皆謂之參懷。內外雜事。多委明寶。三人權

重一時。而法興明寶大納財賄。門外成市。家產並累千金。顧覬之獨不降意于法興等。蔡興宗與覬之善。嫌其風節太峻。覬之曰。辛毗有言。孫劉不過使吾不為三公耳。覬之常以為人稟命有定分。非智力所移。唯應恭己守道。而闇者不達。妄意僥倖。徒虧雅道。無關得喪。乃以其意命弟子原著定命論。以釋之。
孫劉謂魏孫資劉放具見前。
已宋大明三年夏四月。宋竟陵王誕反。廣陵宋主遣兵討之。誕伏誅。

竟陵王誕知宋主意忌之。亦潛為之備。因魏人入寇。修

城浚隍。聚糧治仗。

參軍江智淵知誕有異志。請假先還建康。智淵少有操行。沈懷文每稱之。

日人所應有盡有。人所應無盡無者。其惟江智淵乎。江智淵南史作智深。湛從弟。既而事覺。宋

主令有司奏請收付廷尉。詔貶爵為侯。遣之國。使垣朗戴明寶襲之。明寶使誕典籤蔣成為內應。誕知之。斬成。

擊殺明。明寶逃還。詔沈慶之將兵討誕。

慶之至歐陽。誕遣人齎書說慶

之。餉以玉環刀。慶之遣還之。

歐陽。成名在揚州府儀徵縣東。水經注。吳城邦溝。上承歐陽。引江入埭。卽此。

誕閉門自守。分遣書檄。邀結遠近。

時山陽內史梁曠家。在廣陵。誕執其妻子。

遣使邀曠。曠斬使。拒之。誕怒。滅其家。

誕奉表投之城外。數宋主罪惡曰。陛

下宮帷之醜。豈可三緘。宋主大怒。凡誕左右腹心。同籍

期親。在建康者。誅死以千數。慮誕奔魏。使慶之斷其走

路。誕棄城北走。慶之道兵追之。誕眾皆不欲去。誕乃復

還。築壇歃血以誓眾。

以劉琨之爲參軍。琨之。遵考之子也。辭曰。忠孝不得並。琨之老父在。

不敢承命。誕囚之十餘日。終不受。乃殺之。慶之進營。逼廣陵城。誕于城上授函表。請慶之爲送。慶之曰。我受詔

討賊。不得爲汝送表。汝必欲歸死。時值久雨。慶之不得朝廷。自應開門遣使。吾爲汝護送。

攻城。宋主令有司奏免慶之官。詔勿問。以激之。慶之帥

衆攻城克之。誕走追及斬之。母妻皆自殺。

誕初閉城參軍山陰賀弼

因諫誕怒抽刀向之及誕兵屢敗將佐多踰城出降或勸弼宜早出弼曰公舉兵向朝廷此事既不可從荷公厚恩又義無違背惟有以死明心耳乃飲藥自殺參軍何康之等謀開門納官軍不果斬關出降誕爲高樓置康之母于其上暴露之不與食母呼康之數日而死濮陽范義爲誕左司馬或勸其行義曰子不可以棄母吏不可以叛君必若康之而活吾弗爲也

宋主聞廣陵平出宣陽門敕左右

皆呼萬歲侍中蔡興宗陪輦宋主顧曰卿何獨不呼興

宗正色曰陛下今日正應涕泣行誅豈得皆稱萬歲宋

主不悅詔貶誕姓留氏廣陵城中士民無大小悉命殺

之慶之請自五尺以下全之女子爲軍賞猶殺三千餘

口擢梁曠爲後將軍贈劉琨之給事黃門侍郎蔡興宗奉旨慰勞廣陵興宗與范義素善收斂其尸送歸豫

章宋主謂曰卿何敢故觸王憲對曰陛下自殺賊臣自葬故交何不可之有宋主有慙色

宋殺其東揚州刺史顏竣。

先是宋主卽吉之後奢淫自恣多所興造竣以藩朝舊臣數懇切諫諍宋主浸不悅竣自謂恩舊莫比而所陳多不納疑宋主欲疎之求外出以占其意宋主卽以爲東揚州刺史竣始大懼已而竣遭母憂送喪還都宋主恩待猶厚會王僧達得罪疑竣譖之陳竣前後怨望誹謗之語竣坐免官竣懼上啓請命宋主益怒及是會誕反遂誣竣通謀賜死妻子徙交州復沉其男口于江

秋九月宋徙郊壇造五路

天子所乘法車有玉金象革木五路

初晉人築南郊壇于巳位至是尚書右丞徐愛以爲非禮宋主詔徙于牛頭山

在上元縣南有兩峯相對亦曰天關山

西直宮城

之午位。又造五路。依金根車。

沈約曰。秦閭三代之車。獨取殷制。古曰桑根車。秦口

金根車。

加羽葆蓋。

明年。宋主祀郊廟。始乘玉路。

庚宋大明四年。子魏和平元年。春正月。宋主耕藉田。三月。后親蠶西郊。

夏六月。魏伐吐谷渾。

吐谷渾王拾寅兩受宋魏爵命。居止出入。擬于王者。魏

人忿之。遣陽平王新成

景穆帝之子。

等督諸軍分道出擊。虜

獲甚衆。

冬十月。宋殺其廬陵內史周朗。

朗言事切直。宋主銜之。使有司奏朗居母喪不如禮。傳

送寧州。

注見前。

于道殺之。

朗之行也。侍中蔡興宗方在直。請與朗別。坐白衣領職。

宋以顏師伯爲侍中。

師伯以諂佞被親任。羣臣莫及。多納貨賄。家累千金。

宋主

嘗與之搏蒲。宋主擲得雉。自謂必勝。師伯次擲得盧。宋主失色。師伯遽斂子曰。幾作盧。是日。師伯一輸百萬。

辛丑宋大明五年春正月雪。

宋以正旦朝賀。雪落太宰義恭衣。有六出。義恭奏以爲

瑞。宋主悅。義恭以宋主猜暴。懼不自容。每卑辭遜色。曲

意祇奉。由是終宋主之世。得免于禍。

夏。宋立明堂。

作大殿于丙巳之地。制如太廟。唯十有二間爲異。

宋雍州刺史海陵王休茂

文帝第十四子

反襄陽。爲其下所殺。

雍州刺史海陵王休茂年十七。司馬庾深之

新野人

行府

事。休茂欲專處決。深之及主帥每禁之。左右張伯超有

諸王不使任邊州及輸甲兵絕賓客實保全懿親第一義若果行此則江州荆郢之禍可無再見而廬江巴陵建平並得以祿位終矣懷文之諫雖意在優施恩寵豈知愛之適所以害之耶

寵多罪惡主帥屢責之伯超說休茂殺行事及主帥而舉兵休茂從之徵集兵衆建牙馳檄參軍尹元度起兵攻休茂生擒斬之母妻皆自殺同黨伏誅宋主自卽位以來抑黜諸弟既克廣陵欲更峻其科沈懷文曰漢明不使其子比光武之子前史以爲美談陛下旣明管蔡之誅願崇唐衛之寄及襄陽平太宰義恭希旨復請裁抑諸王不使任邊州及悉輸甲兵禁絕賓客懷文固諫乃止

秋九月甲寅朔日食

宋司空沈慶之罷就第

先是慶之以克廣陵功拜司空領南兖州刺史至是慶之固讓司空于柳元景詔許之慶之曰不知書家素富產業累萬金一夕徙居婁湖在江寧縣東南元和志湖張昭所開昭封婁侯故名以宅輸官非朝賀不出門

冬十月。宋以新安王子鸞字孝羽。宋主第八子。為南徐州刺史。

子鸞母殷淑儀。義宣之女。義宣敗。宋主密取之。假姓殷氏。或云。殷瑛家人。入義宣家。後没入宮。

寵傾後宮。子鸞愛冠諸子。凡為上所眄遇者。莫不入其

府。及為南徐州。割吳郡以屬之。初。巴陵王休若為北徐

州刺史。以張岱為參軍。行府州國事。後歷臨海。豫章。晉安。三府。與典籤主帥共

事。事舉而情不相失。或問岱何由致此。岱曰。古人言一

心可事百君。吾為政端平。待物以禮。悔吝之事。無由而

及。明闇長短。更是才用之多少耳。及是。子鸞復以岱為

別駕行事。張岱。字景山。永之弟。

十二月。宋禁士族雜婚。胡三省注。謂與工商雜戶為婚也。

詔士族雜婚者。皆補將吏。士族多避役逃亡。乃嚴為之制。捕得即斬之。往往奔竄湖山為盜賊。沈懷文諫不聽。
王宋大明六年。寅魏和平三年。春正月。宋策孝秀。胡三省注。孝于中堂。

揚州秀才顧法對策曰。源清則流潔。神聖則形全。躬化
易于上風。體訓速于草偃。宋主惡其諒也。投策于地。
三月。宋殺其廣陵太守沈懷文。

懷文素與顏竣。周朗。善。數以直諫忤旨。宋主謂曰。竣若
知我殺之。亦當不敢如此。懷文嘿然。宋主嘗出射雉。風
雨驟至。懷文與王彧。江智淵。約相與諫。懷文曰。風雨如
此。非聖躬所宜冒。彧曰。懷文所啓。宜從。智淵未及言。宋
主注弩作色曰。卿欲效顏竣耶。宋主每燕集。在坐者皆
令沉醉。嘲謔無度。懷文素不飲。又不好戲嘲。宋主謂故
欲異已。出爲廣陵太守。至是。朝正事畢。當還。以女病求
申期。爲有司所糾。免官。禁錮十年。懷文賣宅欲還東。宋

主大怒賜死。

夏四月。宋淑儀殷氏卒。

宋主以淑儀之卒。痛悼不已。精神罔罔。頗廢政事。葬于

龍山。

在江寧縣西南。寰宇記。巖山。宋孝武改曰龍山。

鑿岡通道。民不堪役。死亡

甚衆。自江南埋葬之盛。未之有也。又爲之別立廟。

追贈貴妃。

諡曰宣。謝莊作哀策文奏之。宋主卧覽流涕。起坐曰。不謂當今復有此才。都下傳寫。紙墨爲貴。江智淵先議妃

諡曰懷。宋主以爲不盡美。銜之。他日至妃墓。指石性謂

智淵曰。此上不容有懷字。智淵惶懼。竟以憂卒。宋主嘗

與羣臣數至貴妃墓。謂劉德願曰。卿哭貴妃悲者。當厚

賞。德願擗踊號慟。涕泗交流。宋主甚悅。卽以德願爲豫

州刺史。

劉德

願。懷慎之子。

秋九月。宋制沙門致敬人主。

初。晉庾冰議使沙門敬王者。不果行。至是有司奏曰。浮

字圖雖自沿其教。然既在
冀高履厚之中。一切賞與

四民同治不待言也晉宋間乃以沙門致敬人主著之令甲正與舊律文所載僧道拜父母均為笑譚

圖為教反經蔽道屈膝四輩。王幼學曰釋書所謂四部大衆也謂比丘比丘尼優婆塞優婆夷。而簡禮二親稽顙耆臘。徐昭文曰謂高年之僧僧家不序齒而序臘。捨俗為僧之年為始。如云僧臘若干謂為僧若干年也。而直體萬乘臣等參議以為沙門接見比當盡虔從之。

宋南徐州從事史祖冲之

字文遠范陽道人

請更造新歷不報

冲之以何承天所製元嘉歷疎舛猶多乃更造新歷上

表言之

以為舊法冬至日有定處未盈百載輒差二度今令冬至日度歲歲微差將來久用無煩屢改

又子為辰首位在正北虛為北方列宿之中今歷上元日度發自虛一又日辰之號甲子為先今歷上元歲在甲子又承天法日月五星各自有元今法交會遲疾悉以上元歲首為始胡三省注今歷今法皆冲之更造者也歷家分上元中元下元甲子各六十年凡宋主令一百八十年而下元甲子終又復于上元甲子宋主令善歷者難之不能屈已而不果施行

癸未大明七年夏宋以蔡興宗袁粲字景倩。淑之兄子。為吏部尚書。

宋主好狎侮羣臣。自太宰義恭以下。不免穢辱。常呼金

紫光祿大夫王元謨為老僮。僕射劉秀之為老慳。顏師

伯為齷。

魚蹇反。露齒也。

其餘短長肥瘦。皆有稱目。又寵一崑崙

奴。

胡三省注。言其狀似崑崙人也。崑崙國在林邑南。

令以杖擊羣臣。惟憚蔡興

宗方嚴。不敢侵覬。儀曹郎王耽之曰。蔡豫章

興宗父。廓嘗為豫章

太守。

昔在相府。亦以方嚴不狎。武帝宴私之日。未嘗相召。

蔡尚書今日可謂能負荷矣。

冬十月。魏遣散騎常侍游明根

字志遠。雅從祖弟。

如宋。

明根奉使三返。宋主以其長者。禮之有加。

土障葛燈皆前人留以示
儉雖無待中稱述見之亦
常悚然動容乃轉以諧語
自戢其祖是全不知締構
艱難宜其不能垂後也

甲宋大明八年。夏五月。宋主駿殂。太子子業立。是為前廢帝。

宋主末年尤貪財利。刺史二千石罷還必限使獻奉。又

以蒲戲取之。罄盡乃止。終日酣飲。嘗憑几昏睡。或外有

奏事。即肅然整容。無復酒態。以故內外畏之。至是殂。諡曰

孝武。廟號世祖。世祖機警勇決。記問博洽。文章華敏。又

善騎射。而奢欲無度。土木被錦繡。賞賜傾府藏。壞高祖

所居陰室。于其處起玉燭殿。與羣臣觀之。牀頭有土障

壁上掛葛燈籠。麻繩拂侍中袁顗。因盛稱高祖儉素之

德。世祖曰。田舍翁得此。已為過矣。及遺詔太宰義恭加

是遂殂于殿。袁顗字國章。淑兄子。中書監柳元景領尚書令。事無巨細悉關二公。大事與

始興公沈慶之參決。若有軍旅悉委慶之。尚書中事委

僕射顏師伯。外監所統委領軍王元謨。太子即位。年十

蔡興宗親奉璽綬。太子受之。傲慢無戚容。興宗出告人

曰。昔魯昭不戚。叔孫知其不終。見左傳。家國之禍。其在此乎。

秋。七月。宋以蔡興宗爲新昌。

宋郡治頓邱故城在今江南徐州。

太守王元

謨爲南徐州刺史。

太宰義恭素畏戴法興。巢尚之等雖受遺輔政。而引身避事。由是政歸近習。法興等專制朝權。詔敕皆出其手。興宗自以職管銓衡。每至上朝。輒爲義恭陳登賢進士之意。又箴規得失。博論朝政。義恭聞之。戰懼無答。興宗每奏選事。法興尚之等輒點定回換。興宗于朝堂謂義恭。師伯曰。主上諒闇。不親萬機。而選舉密事。多被刪改。復非公筆。亦不知是何天子意。義恭法興皆惡之。左遷

新昌太守。既而以其人望。復留之建康。法興等惡王元謨剛嚴。以為南徐州刺史。

八月。宋太后王氏殂。

太后疾篤。使呼宋主子業。子業曰。病人間多鬼。那可往。太后怒。謂侍者取刀來剖我腹。那得生寧馨兒。

乙宋前廢帝子業。景和元年。太宗夏五月。魏主濬殂。太子已明帝或泰始元年。魏和平六年。

弘立。是為獻文帝。

初。世祖經營四方。國頗虛耗。重以內難。朝野楚楚。胡三省注。

楚楚。酸痛之貌。魏主濬嗣。與時消息。靜以鎮之。懷集中外。民心

復安。及是殂。諡曰文成。廟號高宗。太子弘即位。時年十二。

魏車騎大將軍乙渾。殺司徒陸麗。

乙渾專權矯詔殺尚書楊保年等于禁中使司衛監穆

多侯召平原王陸麗于代郡

多侯謂麗曰渾有無君之心今官車宴駕王德望素

重姦臣所忌宜少淹留以觀之朝廷安靜然後入未晚也麗曰安有聞君父之喪慮患而不赴者乎即馳赴平

城渾所為多不法麗數爭之渾殺麗及穆多侯而自為

太尉錄尚書事

既而渾又自為丞相位居諸王上事無大小皆取決焉

秋八月宋主殺其太宰江夏王義恭尚書令柳元景僕射

顏師伯

子業幼而猜暴及即位欲有所為戴法興輒抑制之不

能平所幸閹人華願兒怨法興裁其賜與言于子業曰

道路皆言法興為真天子官為廢

猶言偽物也

天子且官居

深宮與人物不接法興與太宰顏柳共為一體內外畏

服深愁此坐。非復官有。子業遂賜法興死。初世祖多猜忌。大臣重足屏息。世祖歿。義恭等相賀曰。今日始免橫死矣。及法興死。諸大臣始復內不自安。于是元景師伯密謀廢子業。立義恭。日夜聚謀而不能決。元景以其謀告沈慶之。慶之與義恭素不厚。又恨師伯專斷朝事。不與已參懷。乃發其事。子業遂自帥羽林兵殺義恭。並其四子。召元景以兵隨之。元景知禍至。入辭其母。整朝服乘車應召。弟叔仁帥左右欲拒命。元景苦禁之。既出巷。軍士大至。元景下車受戮。容色恬然。並其子弟諸姪獲顏師伯於道殺之。及其六子。自是公卿以下皆被捶曳如奴隸矣。

初子業在東宮多過失世祖欲廢之而立新安王子鸞侍中袁顥盛稱太子之美乃止子

慶老臣而甘於狎昵甚
至與公主同載無耻極矣
且其始猶謂何尚之後乃
屢罷屢由垂老賜藥益亦
行所自取耳

業由是德之。既誅羣公。以爲吏部尚書。尚書左丞徐爰
便辟善事人。頗涉書傳。自元嘉初入侍左右。豫參顧問。
大明之世。委寄尤重。時殿省舊人。多見誅逐。唯爰巧于
將迎。始終無迁。子業每出。常與沈慶之。及姊山陰公主
同輦。爰亦預焉。主尤淫恣。嘗謂帝曰。妾與陛下。男女雖
殊。俱托體先帝。陛下六宮萬數。而妾唯駟馬一人。事太
不均。子業乃爲置面首左右三十人。吏部郎褚淵貌美。
公主請以自侍。子業許之。淵侍公主十日。備見逼迫。以
死自誓。乃得免。子業令太廟別畫祖考之像。入廟。指高
祖像曰。渠大英雄。生擒數天子。指太祖像曰。渠亦不惡。
但末年不免兒所。去頭。指世祖像曰。渠大鼯鼻。如何不
鼯。立召畫工令鼯之。面首面取其貌美。首取其髮美。
鼯。壯加反。鼻上鉤也。褚淵字彥回。湛之之子。

九月。宋主殺其弟新安王子鸞。

新安王子鸞有寵于世祖。子業惡之。遣使賜之死。又殺

其母弟南海王子師。發殷淑儀墓。又欲掘景寧陵。

卽世祖陵

在龍山太史以爲不利于子業。乃止。

宋義陽王昶字休道文帝第九子出奔魏。

昶為徐州刺史。素為世祖所惡。而民間每訛言昶反。是歲尤甚。子業謂左右曰。我即大位。未嘗戒嚴。使人邑邑。會昶遣使上表求朝。子業詰以反狀。使懼逃歸。子業因下詔討昶。內外戒嚴。自將兵渡江。命沈慶之統諸軍。昶聚兵移檄。統內皆不受命。昶知事不成。棄母妻。携愛妾奔魏。昶頗涉學。能屬文。魏人重之。使尚公主。賜爵丹陽王。

宋以袁顗為雍州刺史。蔡興宗為吏部尚書。

顗始為子業所寵任。俄而失指。待遇頓衰。顗懼。求出。以為雍州刺史。其舅蔡興宗謂曰。襄陽星惡。何可往。顗曰。白刃交前。不救流矢。今惟願生出虎口耳。時臨海王子項為荊州刺史。朝廷以興宗為子項長史。行府州事。興宗辭不行。顗曰。朝廷形勢。人所共見。在內

大臣朝不保夕。舅今出為八州行事。顓在襄沔。地勝兵
疆。可以共立桓文之勳。豈比受制凶狂。臨不測之禍乎。
今得間不去。後復求出。豈可得耶。興宗曰。吾素門平進。
與主上甚疎。未容有患。宮省內外。人不自保。會應有變。
若內難得弭。外釁未必可量。汝欲在外求全。我欲居中
免禍。各行其志。不亦善乎。臨海王子頊。字孝烈。孝武
第七子。顓狼狽上路。猶慮見追。行至尋陽。喜曰。今始免矣。

鄧琬字元琬。豫章人。為晉安王子勛字孝德。孝武第三子。長史。顓與之款。

狎過常。顓與琬人地本殊。見者知其有異志矣。尋復以

蔡興宗為吏部尚書。

冬十一月。宋主殺其寧朔將軍何邁。邁。濤人。澄之元孫。

邁尚子業姑新蔡長公主。子業納公主于後宮。謂之謝

貴嬪。詐言主薨。殺宮婢送邁第殯葬。邁素豪侈。多養死

士。謀廢子業。立晉安王子勛。事泄。見殺。

宋主殺其太尉沈慶之。

初。沈慶之既發顏柳之謀。遂自昵于子業。數盡言規諫。子業浸不悅。慶之懼禍。杜門不接賓客。常遣左右范羨至蔡興宗所。興宗使謂曰。公閉門絕客。避悠悠請托者耳。興宗非有求于公者也。何爲見拒。慶之使羨邀興宗。興宗往說之曰。主上比者所行人倫道盡。今所忌憚。唯在于公。公威名素著。天下所服。今舉朝遑遑。人懷危怖。指麾之曰。誰不響應。如猶豫不斷。豈惟旦暮及禍。四海重責。將有所歸。願公詳思其計。慶之曰。僕誠知憂危。不復自保。但盡忠奉國。始終以之。以俟天命耳。加以老退私門。兵力頓闕。雖欲爲之事。亦無成。興宗曰。當今懷謀。

思奮者。正求脫朝夕之死耳。殿中將帥。惟聽外間消息。

若一人唱首。則俯仰可定。聞車駕屢幸貴第。酣醉淹留。

又聞屏左右。獨入閣內。此萬世一時。不可失也。慶之曰。

感君至言。然此大事。非僕所能行。事至固當抱忠以沒

耳。及子業誅。何邁。量慶之必入諫。先閉青溪諸橋。以絕

之慶之果往。不得進。子業乃使沈攸之。字仲達。慶之從子。賜藥。

慶之不肯飲。攸之以被揜殺之。時年八十。詐言病薨。贈

恤甚厚。慶之子侍中文叔。謂其弟文季曰。我能死。爾能報。遂飲慶之之藥而死。交李暉刀馳馬而去。遂

得免。時王元謨數流涕諫。子業以刑殺過差。子業大怒。元謨宿將有威名。道路訛言云。已見誅。蔡興宗謂其與

籤包法榮曰。領軍殊為憂懼。法榮曰。領軍比日殆不復

食。夜亦不眠。恒言收已在門。不保餓項。顓宗曰。領軍憂懼。當為方畧。那得坐待禍至。因使法榮勸元謨舉事。元謨使謝曰。此亦未易可行。期當不泄。君言耳。將軍劉道

隆專典禁兵。興宗嘗與俱從夜出。謂曰。劉君比日思一
閑寫。道隆解其意。招興宗手曰。蔡公勿多言。沈文季
字伯達。劉道隆懷慎弟子。閑
寫。謂思得清閑。傾寫所懷也。

宋主幽其諸父。湘東王彧。文帝第十一子。即明帝。等于殿內。

子業畏忌諸父。恐其在外為患。皆拘于殿內。毆捶陵曳。

無復人理。湘東王彧。建安王休仁。文帝第十二子。山陽王休祐。

文帝第十子。年長尤惡之。以彧肥。謂之豬王。謂休仁為殺王。

之驢王。以木槽盛食。裸彧納泥水中。使就槽食。前後欲

殺以十數。休仁多智數。每以談笑佞諛說之。故得推遷。

少府劉矇。妾孕臨月。迎于後宮。俟生男。以為太子。彧嘗

忤旨。子業裸之。縛其手足。擔付大官。曰。今日屠猪。休仁

笑曰。不若待皇太子生。殺取肝肺。子業乃釋之。及矇妾

生子。名曰皇太子。為之大赦。東海王禕。字休秀。文帝

第八子。後改封廬陵王。

宋江州刺史晉安王子勛舉兵尋陽。

宋主子業以太祖世祖在兄弟數皆第三江州刺史晉

安王子勛亦第三故惡之因前何邁之謀事見上使左右

朱景雲送藥賜子勛死景雲至湓口停不進子勛典籤

謝道邁聞之馳告長史鄧琬琬曰身南土寒士蒙先帝

門戶百口期當以死報効幼主昏暴社稷危殆雖曰天子事猶獨夫今便指帥文武直造京邑與羣公卿士廢

昏立琬遂稱子勛教令所部戒嚴子勛戎服出聽事集

僚佐使主帥潘欣之宣旨諭之四座未對參軍陶亮首

請効死前驅衆皆奉旨乃以亮爲諮議中兵總統軍事

先是子業使荊州錄送長史張悅暢之弟至湓口及是琬

稱子勛命釋其桎梏迎以所乘車以爲司馬旬日得五

千人出頓大雷移檄遠近

宋主殺其南平王敬猷。廬陵王敬先。南安侯敬淵。

子業召諸妃主列于前。彊左右使辱之。南平王鑠妃江氏不從。子業怒。鞭妃一百。殺其三子。

宋弑其君子業而立湘東王彧。是為明帝。

先是。民間訛言湘中出天子。子業將南巡荆湘以厭之。

欲先誅湘東王彧。然後發。時三王久幽。不知所為。湘東

王彧主衣阮佃夫。會稽諸暨人。及子業左右壽寂之。風俗通壽姓。吳

王壽夢之後。王敬則。臨淮射陽人。等陰謀弑子業。會巫覡言

華林園竹林堂有鬼。先是。子業遊竹林堂。使宮人裸而相逐。一人不從。命斬之。夜夢在後

堂有女子罵曰。悖虐不道。明年不及熟矣。子業于宮中求得一人。似所夢者。斬之。又夢所殺者罵曰。我已訴上

帝矣。于是巫覡言堂中有鬼。子業出華林園。休仁。休祐並從。彧獨在

秘書省不被召。益憂懼。初。子業既殺諸公。恐羣下謀已。

以直閣將軍宗越

南陽涅陽人。

沈攸之等有勇力。引爲爪牙。

宿衛之士皆畏之。及是以將巡荆湘。越等並聽出外裝。

束。子業悉屏侍衛。與羣巫綵女捕鬼。親自射之。事畢。將

奏樂。壽寂之抽刀前入。子業見寂之至。引弓射之。不中。

綵女皆迸走。子業亦走。大呼寂寂者三。寂之追而弑之。

宣令宿衛曰。湘東王受太皇太后令。除狂主。今已平定。

休仁就秘書省見或。卽稱臣。引升御座。召見諸大臣。猶

著烏帽。休仁呼主衣以白帽代之。凡事悉稱令書施行。

宣太皇太后令。數子業罪惡。命湘東王纂承皇極。

子業母弟。

豫章王子尚。頃。悖有兄風。及曾稽公主皆賜死。休仁等始得出居外舍。子業猶橫尸太醫閣口。蔡興宗謂僕射

王或曰。此雖凶悖。要是天下之主。宜使喪禮粗足。若直如此。四海必將乘人。乃葬之秣陵。論功行賞。

壽寂之等十四人。封爵有差。以東海王禕為中書監太

尉。晉安王子勛為車騎將軍。開府儀同三司。建安王休

仁為司徒尚書令。揚州刺史。或即位。大赦。子業時昏制

謬封。並皆刊削。

以劉道隆為中護軍。道隆暱于子業。嘗無禮于建安太妃。至是。建安王休仁求

解職。宋主乃賜道隆死。宗越等內不自安。沈攸之以聞。皆伏誅。攸之復入直閣。

宋雍郢。荊州。會稽郡。皆舉兵應尋陽。

鄧琬與陶亮等。繕治器甲。徵兵四方。雍州刺史袁顗與

參軍劉胡

南陽涅陽人。

起兵。奉表勸子勛即大位。子勛傳檄

建康。稱孤志遵前典。廢幽陟明。而湘東王或矯害明茂。

謂宋主賜豫章王死也。

篡竊大寶。藐孤同氣。猶有十三。聖靈何辜。

而當乏饗。于是郢州刺史安陵王子綏

字寶孫。孝武第四子。荆州

刺史臨海王子頊

注見前。

會稽太守尋陽王子房

字孝良。孝武第

六子。皆舉兵以應子勛。

丙宋泰始二年。魏顯祖午獻文帝弘天安元年。

春正月。宋遣建安王休仁討江州。

晉安王子勛遂稱帝。

宋以建安王休仁都督征討諸軍事。江州刺史王元謨

副之。以沈攸之爲尋陽太守。將兵屯虎檻。

洲名。在太平府繁昌縣東

北。鄧琬詐稱受路太后璽書。帥將佐上尊號于子勛。子

勛遂卽位。改元義嘉。以琬及袁顥爲僕射。張悅爲尚書。

徐州刺史薛安都。冀州刺史崔道固。青州刺史沈文秀。

義陽內史龐孟蚪。行會稽郡事孔覲。吳郡太守顧琛。吳

興太守王曇首。義興太守劉延熙。晉陵太守袁標。益州

刺史蕭惠開。湘州行事何慧文。廣州刺史袁曇遠。梁州

刺史柳元怙。山陽太守程天祚。皆附于子勲。崔道固。清河人。沈文秀。字仲遠。慶之弟子。顧琛。字弘緯。吳人。蕭惠開。思話之子。柳元怙。元景之從兄。四方貢計。皆歸尋陽。朝廷所保。惟丹

陽淮南數郡。而東兵

會稽諸郡之兵。

又已至永世

晉縣。唐廢。故城在今鎮江。

府溧

宮省危懼。

宋主謀于羣臣。蔡興宗曰。今普天同叛。人有異志。宜鎮之以靜。至信待人。叛者

親戚布在宮省。若繩之以法。則土崩立至。宜明罪。不相及之義。物情既定。人有戰心。六軍精勇。器甲犀利。以待

不習之兵。其勢相萬矣。願陛下勿憂。

建武司馬劉順說豫州刺史殷琰。敬

珉。孝祖族子。使應尋陽。琰初以家在建康未許。尋為參軍杜

叔寶

坦之子。

所制。不得已而從之。

宋主復謂興宗曰。諸處未平。殷琰已復同逆。為

之奈何。興宗曰。逆之與順。臣無以辨。然今商旅斷絕。而米甚豐賤。四方雲合。而人情更安。以此卜之。清蕩可必。但臣之所憂。更在事後。猶羊公言。既平吳後。方當勞聖慮耳。宋主知琰附尋陽。非本意。乃厚撫其家以招之。

時內外憂危。咸欲奔散。兖州刺史殷孝祖帥兵還建康。

宋主遣孝祖之甥潁川荀僧韶說孝祖入朝。孝祖即日帥文武二千人東還。所領皆倉楚壯士。荀僧韶通鑑作葛。今人情大安。乃假孝祖節督前鋒。遣向虎檻分兵依南史。

遣山陽王休祐督將軍劉勔。字伯猷。彭城人。呂安國。廣陵人。等討

殷琰。巴陵王休若。文帝第九子。督將軍沈懷明。吳興武康人。蕭道

成等討孔覲。先是宋主徵覲為太子詹事。使都水使者擁郡以應袁鄧。覲遂發兵馳檄奉尋陽。至是。已而殿中

覲遣其將屯晉陵。部陳甚盛。孔覲從弟。已而殿中

御史吳喜將兵克義興。喜請于宋主。願得精兵三百。致死于東。宋主簡羽林勇士配之。

喜性寬厚。數使東吳。人皆懷之。及聞其來。皆望風降散。喜進逼義興。諸壘皆潰。劉延熙赴水死。將軍江

方興。濟陽人。御史王道隆攻拔晉陵。及吳興。吳郡。沈懷明等

與東軍相持。久不決。宋主遣方興。道隆。至晉陵。道隆激厲諸將。急攻拔之。孔覲時屯吳興。與袁標。王曇生。顧琛。

皆棄郡。奔會稽。喜等遂進攻會稽。克之。喜等引兵向會稽。取西陵。上虞。令王晏起兵攻

荀勗尋陽王子房孔覲出走為晏所獲及瑛皆斬之顧
琛等詣喜歸罪喜宥之送子房建康貶松滋侯上虞
漢縣歷代因之今屬浙江紹興府西陵渡名在
紹興府蕭山縣西後五代時吳越改名西興

宋太后路氏殂

太后聞子勛建號心幸之延宋主置酒進毒宋主覺之
卽以其卮上壽是日太后殂

二月魏丞相太原王乙渾謀反伏誅太后稱制

渾專權多殺侍中拓跋丕烈帝之元孫後封東陽王告其謀反馮太

后收渾誅之遂臨朝稱制引中書令高允中書侍郎高閭及賈秀共參大政

秋八月宋臺軍六朝以禁城為臺城禁軍為臺軍克江州殺子勛

先是宋臺軍敗于赭圻注見前殷孝祖中流矢死鄧琬遣其將以

萬人據赭圻陶亮以二萬眾屯鵲洲孝祖負其誠節陵
轅諸將每戰常以鼓蓋自隨軍中相謂殷統軍可謂死

將矣。與賊交鋒。而以羽儀自標顯。若十人。人情震駭。宋射之。欲不斃得乎。及攻赭圻。果中流矢死。

主以沈攸之代將。擊尋陽軍。大破之。先是江方興吳喜既克三吳宋主遣

擊尋陽。及殷孝祖死。眾謂沈攸之當代為統督。攸之以方興名位相亞。必不為已下。乃讓之。方興大悅。明日帥

諸軍進戰。大破南軍。會宋主以攸之假節代孝祖督前鋒。吳喜亦以所領五千人至。攸之乃帥諸軍圍赭圻。時

鄧琬遣劉胡東屯鵠尾。眾十餘萬。胡宿將勇健。屢有戰功。將士畏之。攸之邀擊。胡大敗。被創走。攸之遂拔赭圻。

宋主遣尚書褚淵至虎檻。選用將士。時以軍功除官者眾。板不能供。始用黃紙。已而鄧琬以軍

久不決。乃以子勛命。徵袁顗于襄陽。以為都督。顗本無將畧性

又怯撓。在軍中未嘗戎服。唯賦詩談義。不復與臺軍相撫接。諸將由此大失人心。劉胡尤切齒。恚恨。與臺軍相

拒于濃湖。在繁昌縣西。今荻港其餘浸也。將軍張興世。字文德。竟陵人。越鵠尾。

上據錢溪。在池州府貴池縣東。亦曰梅根。渚。潘東。即古梅根。錢監故名。斷南軍糧道。

劉胡攻之。不能克。攸之復擊破濃湖軍。胡遁去。顗亦走。

興世既據錢溪。顓遣胡攻之。屢為興世所敗。攸之遂進。攻濃湖。拔其營柵。大破之。于是江路阻斷。胡軍乏食。夜走。顓聞之。亦棄眾西奔。建安王休仁勒兵入其營。納降卒十萬。顓至鵲頭。為人所殺。胡走入沔。竟陵丞陳懷直斬之。八月。攸之進兵克江州。張悅斬琬。齎首詣建安王休仁降。琬憂惶無計。張悅稱疾呼琬計事。令左右伏甲帳後。以索酒為約。琬至。悅問計。琬曰。正當斬晉安王。封府庫。以謝罪耳。悅曰。今日寧可賣殿下。以子勛被執。求活邪。因呼酒伏發。斬琬。單舸齎首以降。

攸之斬之。傳首建康。休仁入尋陽。遣吳喜等向荆。郢雍。

湘豫章平諸餘寇。

袁曇遠為始興人所殺。龐孟蚪走蠻中死。何慧文自殺。崔道固。程天祚。柳元怙。皆請降。海陵王子頊為治中。宗景所執。送建康。荆

州行事孔道存。郢州行事張沈。及劉順等餘黨。皆伏誅。

九月。魏立郡學。

魏初立郡學。置博士助教生員。從高允之請也。

冬十月。宋主殺其兄之子安陸王子綏等十三人。

宋主既誅子勛。又殺安陸王子綏。臨海王子項。邵陵王子元。建安王休仁言于宋主曰。松滋侯兄弟尚在。非社稷計。宜早爲之所。于是子房等十人皆賜死。世祖二十八子于此盡矣。

宋徐州刺史薛安都叛降于魏。

宋徐州刺史薛安都遣使乞降于建康。宋主以南方已

平。欲示威淮北。命張永沈攸之將兵五萬迎安都。

蔡興宗曰。

安都歸順不虛。正須單使尺書。今以重兵迎之。勢必疑懼。安都外據大鎮。密邇邊陲。地險兵彊。尤宜馴養。如其外叛。招引北寇。將爲朝廷肝食之憂。宋主不從。謂蕭道成曰。吾今因此北討。卿意以爲何如。對曰。安都狡猾。有餘。以兵逼之。非國之利。宋主亦不聽。安都聞大兵北上。懼而降魏。魏遣將軍尉元等救之。元至。安都出迎。

元不禮于安都。安都悔降。復謀叛。元知之。不果。

宋主於孝武之子誅戮無遺而甘為呂秦牛晉之續

發。乃重賄元。張永等進逼彭城。攻之。不克。會天大雪。士

卒凍死大半。永等棄城走。尉元邀其前。安都乘其後。大

破永等于呂梁。

山名。在徐州府銅山縣東南。其下即呂梁洪。列子稱孔子觀于呂梁。懸水三十

仞。流沫四十里。即此。之東死者萬數。枕尸六十餘里。永及攸之僅

以身免。

宋主召蔡興宗。以敗書示之曰。我愧卿甚。初。汝南太守周玘起兵以應建康。袁顗遣司馬常珍

奇執斬玘。以珍奇代為太守。前泰山太守畢眾敬奉使

詣兗州募人。薛安都說之。叛建康。使行兗州事。及尋陽

平。皆請降于建康。會安都叛宋。珍奇亦以懸瓠降魏。魏

以師迎之。眾敬遂仕于魏。宋由是失淮北四州。及豫州

尋復歸宋。眾敬

遂仕于魏。宋由是失淮北四州。及豫州

鍾離。青冀治鬱洲。虛置郡縣。荒民無幾。常珍奇

汝南人。畢眾敬。東平須昌人。鍾離。鬱洲。注俱見前。

宋立子昱

即後廢帝。為太子。

宋主無子。嘗以宮人陳氏賜嬖人李道兒。已復迎還。生

天理盡人道滅欲不再傳而亡得乎

昱又密取諸王姬有孕者內之宮中生男則殺其母而使寵姬母之

宋豫州益州平

先是劉勔至壽陽殷琰與杜叔寶欲降以衆心不一復

嬰城固守及是宋主使中書爲詔諭琰

蔡興宗曰叛亂既定是琰思過

之日宜手詔以慰引之今直中書爲詔彼必疑之非所以速清方難也不從

琰得詔疑勔詐

爲之欲降于魏主簿夏侯詳

字叔業譙人

極陳不可琰乃帥

將佐出降勔悉加慰撫不戮一人入城約勒將士秋毫

無犯壽陽人大悅初尋陽兵起蕭惠開集益州將佐謂

曰湘東太祖之昭晉安世祖之穆其于當璧並無不可

但景和本世祖之嗣不任社稷其次猶多吾荷世祖之

眷當奉九江。乃舉兵應之。及尋陽平。宋主遣惠開弟惠基使成都。赦惠開。惠開乃降。召還建康。

晉書卷八十八 列傳第五十八 宋王湛之傳



